

四庫全書薈要

• 乾隆御覽本

史部

資治通鑑卷一百六十三 宋 司馬光 撰

胡三省 音註

梁紀十九

上章敦  
祥一年

太宗簡文皇帝上

諱綱字世讚小字六通武帝第三子昭明太子母弟也謚法平

易不營曰簡動

聲好問曰文

大寶元年春正月辛亥朔大赦改元 陳霸先發始興

至大庾嶺

大庾嶺在今南安軍大庾縣西南二十里吳錄南野縣有大庾山自嶺嶠九登二里至嶺

下平行十里至平亭蔡路養將二萬人軍於南野以拒之

南野縣漢屬豫

章郡晉屬南康郡劉昫曰唐韶州始興縣漢南野縣地宋白曰虔州之南康大庾嶺南雄州之始興皆漢南野

縣地輿地志今虔州龍南縣漢南野縣地將即亮翻路養妻姪蘭陵蕭摩訶年十

三單騎出戰無敢當者杜僧明馬被傷

騎奇寄翻被皮義翻

陳霸

先救之授以所乘馬僧明上馬復戰

上時掌翻復扶又翻

衆軍因

而乘之路養大敗脫身走霸先進軍南康

考異曰太清紀在二月

今從陳帝紀

湘東王繹承制授霸先明威將軍交州刺史

戊辰東魏進太原公高洋位丞相都督中外諸軍錄尚

書事大行臺齊郡王 庚午邵陵王綸至江夏郢州刺

史南康王恪郊迎

南康當作南平參考前後及梁書可見夏戶推翻

以州讓之

綸不受乃推綸爲假黃鉞都督中外諸軍事承制置百

官

考異曰太清紀云三月綸逼齊恪州徙恪於郢縣今從梁書典略

魏楊忠圍安陸

柳仲禮馳歸救之

去年仲禮將兵起襄陽

諸將恐仲禮至則安陸

難下請急攻之

將即亮翻下同

忠曰攻守勢殊未可猝拔若引

日勞師表裏受敵非計也南人多習水軍不開野戰仲

禮師在近路吾出其不意以奇兵襲之彼怠我奮一舉



可克克仲禮則安陸不攻自拔諸城可傳檄定也乃選

騎二千銜枚夜進敗仲禮於滹頭

敗補遼翻杜佑曰滹音崇水所銜曰滹

考異曰太清紀作潼頭在

去年十二月今從典略獲仲禮及其弟子禮盡俘其

衆馬岫以安陸別將王叔孫以竟陵皆降於忠

降戶江翻

於

是漢東之地盡入于魏國廣陵人來疑

疑魚力翻

說前廣陵

太守祖皓曰董紹先輕而無謀

輕率正翻

人情不附襲而殺

之此壯士之任也今欲糾帥義勇奉戴府君

帥讀曰率下同

若

其克捷可立桓文之勲必天未悔禍猶足為梁室忠臣

皓曰此僕所願也乃相與糾合勇士得百餘人癸酉襲

廣陵斬南兖州刺史董紹先據城馳檄遠近推前太子

舍人蕭劭爲刺史

劭彌充翻

仍結東魏爲援皓暄之子

祖暄見一

百四十七卷武帝天監十二年諸本作暄之子者衍一之字暄古鄧翻

劭勃之兄也乙亥

景遣郭元建師衆奄至皓嬰城固守二月魏楊忠秉

勝至石頭

五代志竟陵郡長壽縣後周置石頭郡

欲進逼江陵湘東王繹

遣舍人庾恪說忠曰營來伐叔

說式芮翻來事見上卷上年

而魏助

之何以使天下歸心忠遂停建北

建水之北也建紀偃翻

繹遣舍

人王孝祀等送子方略爲質以求和魏人許之繹與忠

盟曰魏以石城爲封梁以安陸爲界請同附庸并送質

子質遷有無

質音致貿易也遷徙也徙有之無以相貿易質音茂

永敦隣睦忠乃

還

遷徙宣翻又如字

宕昌王梁彌定

宕徒浪翻

爲其宗人獠甘所

襲彌定奔魏獠甘自立羌酋傍乞鐵忽據渠株川

獠魯皓翻

酋慈秋翻

與渭川民鄭五醜合諸羌以叛魏丞相泰使大將

軍宇文貴涼州刺史史寧討之擒斬鐵忽五醜寧別擊

獠甘破之獠甘將百騎奔生羌鞏廉王

生羌遠在塞外不羈屬於魏者

騎奇  
寄詔

寧復納彌定於宕昌置岷州於渠株川

五代志臨洮郡臨洮

縣西魏置溢樂縣并置岷州復扶又翻

進擊鞏廉王斬獠甘虜廉王送長

安侯景遣任約于慶等帥衆二萬攻諸藩

諸藩謂梁之宗室分

任藩維者任音壬帥讀曰率

邵陵王綸欲救河東王譽而兵糧不

足乃致書於湘東王繹曰天時地利不及人和

用孟子之言

況於手足肱支豈可相害今社稷危耻創巨痛深

禮記三年

問曰創巨者其疾久痛甚者其愈遲三年者稱情而立文所以為至痛極也斬衰苴杖居倚廬食粥寢苦枕塊

所以為至痛唯應剖心嘗膽泣血枕戈

越王句踐卧薪嘗膽求以報吳

晉劉琨枕戈待旦志氣逆厲枕之任翻子執親喪泣血  
三年孔穎達曰說文哭哀聲也泣無聲出淚也則無聲  
謂之泣矣連言血者以淚出於目猶血出於體故以淚  
比血禮記曰子羔執親之喪泣血三年注曰無聲而血  
出是其餘小忿或宜容貫貫貫也若外難未除家禍仍構

料今訪古

難乃旦翻  
料音聊

未或不亡夫征戰之理唯求克勝

至於骨肉之戰愈勝愈酷捷則非功敗則有喪

喪息  
浪翻

勞

兵損義虧失多矣侯景之軍所以未窺江外者

荊州治  
江陵在

江北故  
曰江外

良爲藩屏盤固宗鎮彊密

爲于偽翻  
屏必郢翻

弟若陷洞

庭

湘州之地襟帶洞庭  
故謂湘州爲洞庭

不戢兵刃雍州疑迫何以自安

必引進魏軍以求形援

以綸之昏狂猶能言及於此蓋勢有所必至也戰阻立翻雍於

用弟若不安家國去矣必希解湘州之圍存社稷之計

繹復書陳譽過惡不赦

言其過大惡極法所不赦

且曰誓引楊忠來

相侵逼頗遵談笑用却秦軍

魯仲連談笑而却秦軍繹引此以為大言

曲直

有在不復自陳

又復扶翻

臨湘旦平

臨湘縣自漢以來屬長沙郡時為州郡治所隋

改臨湘縣曰長沙縣

暮便即路

即路就路也承上文而言若欲攻襄陽考之下文蓋謂討庾景

綸

得書投之於案慷慨流涕曰天下之事一至於斯湘州

若敗吾亡無日矣

綸知繹兵東下必將圖已故云然使在京口之時能思及此則何亡國喪

身之有古人所以重居安處危居  
寵思畏者也史為綸北奔張本

侯景遣侯子鑒帥

舟師八千自帥徒兵一萬

徒兵步兵也帥讀曰率下同

攻廣陵三日

克之執祖皓縛而射之箭徧體然後車裂以徇城中無

少長皆埋之於地馳馬射而殺之

射而亦翻少詩照翻長知而翻考異曰

太清紀曰城中數百人與  
曰死者八千人今徙南史

以子鑒為南兖州刺史鎮

廣陵

廣陵之人既殲矣子鑒所鎮者空城耳

景還建康

丙戌以安陸王

大春為東揚州刺史省吳州

景置吳州見上卷上年

乙巳以尚書

僕射王克為左僕射

庚寅東魏以尚書令高隆之為

太保宣城內史楊白華進據安吳

孫吳立安吳縣屬宣城郡隋省安吳

入涇縣

侯景遣子悅帥衆攻之不克

東魏行臺辛術

將兵入寇圍陽平不克

侯景納上女溧陽公主甚愛

之

溧音栗

三月甲申景請上禋宴於樂遊苑

禋宴因後禋而闕宴禋胡

計翻樂遊苑在玄武湖南

帳飲三日上還宮景與公主共據御牀南

面並坐羣臣文武列坐侍宴 庚申東魏進丞相洋爵

爲齊王 臨川內史始興王毅等擊莊鐵

王毅始興人毅即毅字後

人傳寫愛立爲三耳

鄱陽王範遣其將巴西侯瑱救之

瑱他句翻

毅等



敗死 鄱陽世子嗣與任約戰於三章約敗走嗣因徙

鎮三章謂之安樂柵

去年鄱陽王範西上使世子嗣守安樂柵今移柵三章亦以安樂名

柵樂音洛

夏四月庚辰朔湘東王繹以上甲辰韶爲長沙

王

上甲辰韶奔江陵見上卷上年按梁書長沙王懿子淵業嗣封辛子孝徽嗣封又辛子春嗣封春懿曾孫

也時在建康湘東以韶歸之遂以爲長沙王非禮也

丙午侯景請上幸西州上

御素輦侍衛四百餘人景浴鐵數千翼衛左右

浴鐵者言鐵甲

堅滑若以水浴之也

上聞絲竹悽然泣下命景起舞景亦請上起

舞酒闌坐散

坐祖卧翻

上抱景于牀曰我念丞相景曰陛下

如不念臣臣何得至此逮夜乃罷時江南連年旱蝗江

揚尤甚百姓流亡相與入山谷江湖采草根木葉菱芡

而食之

菱芡也芡巨險翻說文曰鷄頭也方言曰南楚謂之鷄頭北燕謂之葭青徐淮泗之間謂之芡

所在皆盡死者蔽野富室無食皆烏面鵠形衣羅綺懷

珠玉俯伏牀帷待命聽終千里絕烟

衣於既翻烟與煙同

人迹罕

見白骨成聚如丘隴焉景性殘酷於石頭立大碓

碓都內翻

有犯法者擣殺之常戒諸將曰破柵平城當淨殺之使

天下知吾威名故諸將每戰勝專以焚掠爲事斬刈人

如草芥以資戲笑由是百姓雖死終不附之

史言侯景將敗

又

禁人偶語犯者刑及外族

男子謂舅家為外家婦人謂父母之家為外家外族外家

之為其將帥者悉稱行臺來降附者悉稱開府其親寄

隆重者曰左右廂公勇力兼人者曰庫直都督

南史侯景傳作

庫直都督誤也

魏封皇子儒為燕王公為吳王侯景召宋

子仙還京口

去年宋子仙克東揚州今召還京口

邵陵王綸在郢州以

聽事為正陽殿內外齋閣悉加題署其部下陵暴軍府

郢州將佐莫不怨之諮議參軍江仲舉南平王恪之謀

主也說恪圖綸

說式尚翻

恪驚曰若我殺邵陵寧靜一鎮荆

益兄弟必皆內喜

帝既蒙塵綸於兄弟之次當立恪若除綸則人望歸於荆益必當內以為

喜時湘東王繹在荆

州武陵王紀在益州

海內若平則以大義責我矣且巨

逆未梟

巨逆謂庾景泉謂梟其首梟堅充翻

骨肉相殘自亡之道也卿且

息之仲舉不從部分諸將

分扶問翻

刻日將發謀泄綸壓殺

之恪狼狽往謝綸曰羣小所作非由兄也兄惡已斃兄

勿深憂

南平王恪傳之子也於綸為兄

王僧辯急攻長沙辛巳克之

執河東王譽斬之傳首江陵湘東王繹反其首而葬之

反其首於長沙與身俱葬初世子方等之死

見上卷

臨蒸周鐵虎功

最多

吳立臨蒸縣以縣臨蒸水而名屬衡陽郡晉屬湘東郡鄒道元曰臨蒸即故鄒縣縣即湘東郡劉勰

曰隋改臨蒸為衡陽縣今衡州所治衡陽縣是也衡州志吳分鄒縣立臨蒸縣脩臨蒸水其氣如蒸姚思燕陳書曰周鐵虎不知何許人梁世南度事河東王譽為臨蒸令如此則通鑑逸令字

譽委遇甚重

僧辯得鐵虎命烹之呼曰

呼火故翻

侯景未滅奈何殺壯士

僧辯奇其言而釋之還其麾下釋以僧辯為左衛將軍

加侍中鎮西長史釋自去歲聞高祖之喪以長沙未下

故匿之壬寅始發喪刻檀為高祖像置於百福殿事之

甚謹動靜必咨焉繹以爲天子制於賊臣不肯從大寶

之號猶稱太清四年丙午繹下令大舉討侯景移檄遠

近鄱陽王範至湓城以晉熙爲晉州

晉安帝分廬江郡立晉熙郡五

代志同安郡懷寧縣舊置晉熙郡唐以同安郡爲舒州

遣其世子嗣爲刺史江州

郡縣多輒改易

改易郡縣守令也

尋陽王大心政令所行不出

一郡

惟尋陽一郡而已

大心遣兵擊莊鐵嗣與鐵素善請發兵

救之範遣侯瑱帥精甲五千助鐵

瑱他旬翻又音鎮帥請曰率下同

由

是二鎮互相猜忌無復討賊之志

復扶又翻

大心使徐嗣徽

帥衆二千築壘稽亭以備範

據齊書晉安王子懋傳子懋謀舉兵於江州宣城王

達裴叔業襲取湓城子懋先已具船於稽亭渚聞叔業得湓城乃據州自衛則稽亭渚在江州城東也帥讀曰

率市糴不通範數萬之衆無所得食多餓死範憤恚疽

發於背五月乙卯卒

志於避翻考異曰典略作已酉今從太清紀

其衆祕不

發喪奉範弟安南侯恬爲主有衆數千人丙辰侯景

以元思虔爲東道大行臺鎮錢唐丁巳以侯子璽爲南

兖州刺史東魏齊王洋之爲開府也

洋爲開府見一百五十七卷武

帝大同元年

勃海高德政爲管記

管記即記室參軍之職

由是親昵言

無不盡

昵尼  
質翻

金紫光祿大夫丹楊徐之才北平太守廣

宗宋景業

漢晉以來中山有北平縣後魏孝昌中分置北平郡屬定州廣宗縣漢屬鉅鹿郡後屬安

平國後魏太和二十一年分置廣宗郡時屬司州

皆善圖識

識楚  
諧翻

以為太歲在

午當有革命因德政以白洋勸之受禪洋以告婁太妃

太妃曰汝父如龍兄如虎猶以天位不可妄據終身北

面汝獨何人欲行舜禹之事乎洋以告之才之才曰正

為不及父兄

為于  
偽翻

故宜早升尊位耳洋鑄像卜之而成

乃使開府儀同三司段韶問肆州刺史斛律金金來見



洋固言不可以宋景業首陳符命請殺之洋與諸貴議

於太妃前太妃曰吾兒懦直必無此心高德政樂禍教

之耳

樂音洛

洋以人心不壹遣高德政如鄴察公卿之意

未還洋擁兵而東至平都城

九城志遠州遠山縣有平城鎮宋白曰遠州平城縣

本漢涅縣地晉置武鄉縣此地屬焉隋開皇十六年於趙簡子所立平都故城置平城縣

召諸勳貴

議之莫敢對長史杜弼曰關西國之勍敵

謂宇文氏也勍渠京翻

若受魏禪恐彼挾天子自稱義兵而東向

此天子謂西魏主王

何以待之徐之才曰今與王爭天下者彼亦欲爲王所

爲縱其屈彊

屈其勿翻  
彊其兩翻

不過隨我稱帝耳弼無以應高

德政至鄴諷公卿莫有應者司馬子如逆洋於遼陽

遼陽

縣自漢末以來屬樂平郡隋開皇十一年改曰遼山縣我宋朝爲遼州治所

固言未可洋欲

還蒼丞李集曰

北齊之制太倉及水次諸倉皆有令丞北齊紀作尚食丞李集

王來爲

何事而今欲還

爲于偽翻

洋僞使於東門殺之而別令賜絹

十匹遂還晉陽自是居常不悅徐之才宋景業等日陳

陰陽雜占云宜早受命高德政亦敦勸不已洋使術士

李密卜之遇大橫曰漢文之卦也

大橫見十三卷  
漢高后八年

又使

宋景業筮之遇乾之鼎

乾之初九九五二爻動變而之鼎

曰乾君也鼎

五月卦也宜以仲夏受禪或曰五月不可入官犯之終

於其位

陰陽家之說上官忌正月五月九月

景業曰王為天子無復下期

復扶又翻

豈得不終於其位乎洋大悅乃發晉陽高德政錄

在鄴諸事條進於洋洋令左右陳山提馳驛齎事條并

密書與楊愔

愔於今翻

是月山提至鄴楊愔即召太常卿邢

邵議造儀注祕書監魏收草九錫禪讓勸進諸文

凡禪代皆

奉表三讓百僚三表勸進而後即位收今收預草諸文

引魏宗室諸王入北宮留

於東齋甲寅東魏進洋位相國總百揆備九錫洋行至

前亭

前亭在晉陽之東平都城之西

所乘馬忽倒意甚惡之至平都城

不復肯進

惡馬路翻復扶又翻

高德政徐之才苦請曰山提先去

恐其漏泄即命司馬子如杜弼馳驛續入觀察物情子

如等至鄴衆人以事勢已決無敢異言洋至鄴召夫

夫民

也齋築具集城南高隆之請曰用此何為洋作色曰我

自有事君何問為欲族滅邪隆之謝而退於是作圓丘

備法物丙辰司空潘樂侍中張亮黃門郎趙彥深等求

入啓事東魏孝靜帝在昭陽殿見之亮曰五行遍運有

始有終

謂五德之運以木代水以火代木以土代火以金代土以水代金也

齊王聖德欽

明萬方歸仰願陛下遠法堯舜帝敕容曰此事推挹已

久

推吐雷翻挹避也

謹當遜避又曰若爾須作制書中書郎崔

劼裴讓之曰

劼丘入翻

制已作訖使侍中楊愔進之東魏主

既署曰居朕何所愔對曰北城別有館宇乃下御坐步

就東廊

坐但卧翻

詠范蔚宗後漢書贊曰獻生不辰身播國

也終我四百永作虞賓

范曄字蔚宗作後漢書此其贊獻帝之辭也賢注曰辰時也播

遷也言獻帝生不逢時身既播遷國又屯難也漢有天下四百年而遷終虛賓謂虞以堯子丹朱為賓書曰虞賓在位爵紆勿翻九陟倫翻所司請發所司謂掌禪代事者請發者請出宮居別邸也此實楊惲

等使人請之帝曰古人念遺簪敝履朕欲與六宮別可乎高

隆之曰今日天下猶陛下之天下況在六宮帝步入與

妃嬪已下別舉宮皆哭趙國李嬪誦陳思王詩云王其

愛玉體俱享黃髮期

曹植魏武帝之子封陳王謚曰思嬪毗賓翻

直長趙道

德以車一乘候於東閣

直長官名凡殿中諸局各有奉御有直長趙道德蓋尚乘直長

也亦高氏之私人東閣即東閣門長竹兩翻乘繩證翻

帝登車道德超上抱之

上時

帝叱之曰朕自畏天順人何物奴敢逼人如此道德

猶不下出雲龍門王公百僚拜辭高隆之灑泣遂入北

城居司馬子如南宅

司馬子如有宅在太原故謂鄴城之宅為南宅

遣太尉彭

城王韶等奉璽綬禪位于齊

璽斯氏謂綬音受東魏十六年而亡考異曰北齊

書北史高德政傳云五月六日留咸陽王坦等七日司馬子如等至鄴九日文宣至城南頓案後魏書北史帝紀皆云辛亥王如鄴甲寅加九錫丙辰魏主遜位戊午王即帝位與略辛亥王還鄴以長歷推之此月己酉朔皆不與德政傳日相應蓋辛亥始自晉陽如鄴非到鄴之日也

戊午齊王即皇帝位

于南郊

帝諱洋字子進勃海王高歡第二子澄之母弟也歡以勃海王贈齊王洋又進爵齊王且高氏

本勃海人勃海故齊地也國遂號曰齊

大赦改元天保自魏敬宗以來百

官絕祿至是始復給之

又復扶

已未封東魏主爲中山王

待以不臣之禮追尊齊獻武王爲獻武皇帝廟號太祖

後改爲高祖文襄王爲文襄皇帝廟號世宗辛酉尊王

太后婁氏爲皇太后乙丑降魏朝封爵有差其宣力霸

朝

自高歡起兵以來諸勳貴皆宣力霸朝者也朝直遙翻

及西南投化者不在降

限

謂自關西及江南來投者

文成侯寧起兵於吳有衆萬人已已

進攻吳郡

吳郡帶吳縣寧蓋起兵於吳縣界進攻吳郡城也按侯景傳寧起兵於吳西鄉去年陸緝



等推寧據吳郡宋子仙擊之敗走今復起兵於西鄉

行吳郡事侯子榮逆擊殺之

寧範之弟也子榮因縱兵大掠郡境自晉氏渡江三吳

最爲富庶貢賦商旅皆出其地及侯景之亂掠金帛既

盡乃掠人而食之或賣於北境遺民殆盡矣是時唯荆

益所部尚完實太尉益州刺史武陵王紀移告征鎮使

世子圓照帥兵三萬受湘東王節度

帥讀曰平

圓照軍至巴

水

巴郡巴縣有巴水水折三迴如巴字巴郡唐爲渝州考異曰南史云六月辛酉紀達圓照東下按六月

已卯朔無辛酉典略在五月或者五月辛酉歟

繹授以信州刺史令屯白帝

梁置

信州於白帝  
唐改夔州

未許東下

六月辛巳以南郡王大連行

揚州事

江夏王大欵山陽王大成宜都王大封自信

安間道奔江陵

聞古  
范翻

齊王封宗室高岳等十人功臣

庫狄干等七人皆爲王

高岳及隆之歸彥思宗長弼普  
子瑗顯國獻孝緒凡十人庫狄

干斛律金有拔仁韓軌可朱  
渾道元彭樂渚相樂凡七人

癸未封弟浚爲永安王淹

爲平陽王浹爲彭城王演爲常山王渙爲上黨王洸爲

襄城王湛爲長廣王潛爲任城王

洸以周翻洸音  
育潛戶皆翻

湜爲

高陽王濟爲博陵王凝爲新平王潤爲馮翊王洽爲漢

陽王 鄱陽王範既卒侯瑱往依莊鐵鐵忌之瑱不自

安丙戌詐引鐵謀事因殺之自據豫章 尋陽王大心

遣徐嗣徽夜襲湓城安南侯恬裴之橫等擊走之 齊

主娶趙郡李希宗之女生子殷及紹德又納段韶之妹

及將建中宮高隆之高德政欲結勲貴之援乃言漢婦

人不可為天下母宜更擇美配帝不從丁亥立李氏為

皇后

考異曰典略在五  
月乙丑今從北齊帝紀

以段氏為昭儀子殷為皇

太子庚寅以庫狄干為太宰彭樂為太尉潘相樂為司

徒司馬子如爲司空辛卯以清河王岳爲司州牧 侯

景以羊鴉仁爲五兵尚書庾子鴉仁出奔江西將赴江

陵至東莞

南徐州有東莞郡不在江西  
意者東莞其東關之誤歟

盜疑其懷金邀

殺之

考異曰太清紀在十  
月今從梁帝紀典略

魏人欲令岳陽王譽發

哀嗣位譽辭不受丞相泰使榮權冊命譽爲梁王始建

臺置百官

啓字理孫武帝之孫  
昭明太子之第三子

陳霸先修崎頭古城

徙居之

峙梁帝翻曲岸曰峙九域志南安軍治大  
庾縣古南野也有南康古城又有峽頭鎮

初

燕昭成帝奔高麗

見一百二十三卷宋文帝  
元嘉十三年麗力知翻

使其族人

馮業以三百人浮海奔宋因留新會

晉恭帝元熙二年分南海郡立新會

郡隋唐為新會縣屬廣州九域志新會縣在廣州之西南三百三十里

自業至孫融世為

羅州刺史

五代志高涼郡石龍縣舊置羅州我朝為化州治所

融子寶為高涼太

守

高涼縣漢屬合浦郡獻帝建安二十二年吳分立高涼郡梁置高州

高涼洗氏

洗音銑丁度集

韻姓國名或作邾姓氏韻纂又音綿考異曰典略作沈氏今從隋書

世為蠻酋

酋慈秋翻部

落十餘萬家有女多籌略善用兵諸洞皆服其信義融

聘以為寶婦融雖累世為方伯非其土人號令不行洗

氏約束本宗使從民禮每與寶參決辭訟首領有犯雖

親戚無所縱舍

合讀曰捨

由是馮氏始得行其政高州刺史

李遷仕據大皐口

五代志高涼郡梁置高州

遣使召寶

使疏吏翻下同

寶欲

往洗氏止之曰刺史無故不應召太守必欲詐君共反

耳寶曰何以知之洗氏曰刺史被召援臺

被皮義翻

乃稱有

疾鑄兵聚衆而後召君此必欲質君以發君之兵也

音質

致願且無往以觀其變數日遷仕果反遣主帥杜平虜

將兵入潯石城魚梁以逼南康

帥所類翻魚梁亦地名近潯石潯古暗翻

霸

先使周文育擊之洗氏謂寶曰平虜驍將也

驍堅亮翻將即亮翻

同下今入瀨石與官軍相拒勢未得還遷仕在州無能爲

也君若自往必有戰鬪宜遣使卑辭厚禮告之曰身未

敢出欲遣婦參彼聞之必憚而無備憚與喜同我將千餘人

步擔雜物唱言輸賕擔都甘翻賕吐蓋翻得至柵下破之必矣實

從之遷仕果不設備洗氏襲擊大破之遷仕走保寧都

吳分漢潯縣立陽都縣晉武太康元年更名寧都五代志南康虔化縣舊曰寧都文育亦擊走

平虜據其城洗氏與霸先會于瀨石還謂寶曰陳都督

非常人也甚得衆心必能平賊君宜厚資之湘東王繹

以霸先爲豫州刺史領豫章內史 辛丑裴之橫攻稽

亭徐嗣徽擊走之 秋七月辛亥齊立世宗妃元氏爲

文襄皇后

后東魏孝  
靜帝女

宮曰靜德又封世宗子孝琬爲河

間王孝瑜爲河南王乙卯以尚書令封隆之錄尚書事

尚書左僕射平陽王淹爲尚書令 辛酉梁王譽入朝

于魏

自此魏益厚答  
矣朝直還翻

初東魏遣儀同武威牒雲落等

雲當作云牒云虜獲姓柔然阿那瓌之求附於  
魏也魏遣牒云具仁往使牒云之爲姓尚矣

迎鄱陽

世子嗣使鎮皖城

劉昫曰懷寧宿松望江太湖等縣皆  
漢皖縣地蓋此城即皖縣古城也皖



戶板

嗣未及行任約軍至洛等引去嗣遂失援出戰敗

死約遂略地至湓城尋陽王大心遣司馬韋質出戰而

敗帳下猶有戰士千餘人咸勸大心走保建州

後漢汝南郡有

苞信縣江左備置於弋陽界五代志弋陽郡殷城縣舊曰苞信梁置義城郡及建州帳下勸大心走保之者便於入齊也九城志殷城縣併入固始大心不能用戊辰以江州降約先是

大心使太子洗馬韋臧鎮建昌

降戶江翻下同先悉薦翻洗亦同音

有甲

士五千聞尋陽不守欲帥眾奔江陵

帥讀曰率下同

未發爲麾

下所殺臧策之子也

太清三年青塘之戰韋策死之

于慶略地至豫章

侯瑱力屈降之慶送瑱於建康景以瑱同姓待之甚厚

留其妻子及弟爲質

質音致

遣瑱隨慶徇蠡南諸郡

蠡南謂彭

蠡湖以南也

以瑱爲湘州刺史

考異曰太清紀在十一月今從輿略

初巴山

人黃濬耗有勇力

五代志臨川郡崇仁縣梁置巴山郡劉昫曰吳分臨汝爲新建縣梁置巴

山郡耗巨俱翻

侯景之亂合徒衆保鄉里太守賀詡下江州

巴自

山順流赴江州爲下

命濬耗監郡事

監工衛翻

濬耗屯新淦于慶自豫

章分兵襲新淦

新淦縣漢屬豫章郡五代志屬廬陵郡淦古暗翻

濬耗敗之

敗補

進陳霸先使周文育進軍擊慶濬耗引兵會之邵陵

王綸聞任約將至使司馬蔣思安將精兵五千襲之約  
衆潰思安不設備約收兵襲之思安敗走 湘東王繹

改宜都爲宜州

沈約曰劉備分南郡立宜都郡梁以  
宜都郡置宜州隋并宜都入夷陵郡

以

王琳爲刺史 是月以南郡王大連爲江州刺史 魏

丞相泰以齊主稱帝帥諸軍討之

紳讀曰  
平下同

以齊王廓鎮

隴右徵秦州刺史宇文導爲大將軍都督二十三州諸

軍事屯咸陽鎮關中

益州沙門孫天英帥徒數千人

夜攻州城武陵王紀與戰斬之

邵陵王綸大脩鎧仗

將討侯景湘東王繹惡之

惡綸由此兵力益彊將不利於已也惡烏路翻

八月

甲午遣左衛將軍王僧辯信州刺史鮑泉等帥舟師一

萬東趣江郢

趙七喻翻

考異曰典略云九月戊申朔

帝紀 帝簡文 聲言拒任約且云迎邵陵王還江陵授以湘州

齊王初立勵精爲治

治直吏翻

趙道德以事屬黎陽太守清

河房超

屬之欲翻下請屬同守式又翻

超不發書牒殺其使

魏收志孝昌中分汲

郡置黎陽郡屬司州置黎陽城格步項翻使疏吏翻下同

齊主善之命守宰各設牒

以誅屬請之使久之都官中郎宋軌奏曰

中郎當作郎中五代志都

官郎中掌畿內非爲  
得失事北齊制也

若受使請賕猶致大戮身爲枉濫

何以加罪乃罷之司都功曹張老上書請定齊律

司都功曹

司州之功曹也時都鄴以鄴爲司州治所按北齊主或居晉陽不常居鄴也

詔右僕射薛琚

等取魏麟趾格更討論損益之

麟趾格見一百五十八卷武帝大同七年琚昌

六齊主簡練六坊之人每一人必當百人任其臨陳必

死魏齊之間六軍宿衛之士分爲六坊任保任也陳諸曰陣然後取之謂之百保鮮

卑百保言其勇可保一人當百人也高氏以鮮卑創業當時號爲健關故衛士皆用鮮卑猶今北人謂勇士

爲霸都又簡華人之勇力絕倫者謂之勇士以備邊要

邊要邊上始立九等之戶

戶有上中下三等每等又分上中下是為九等

富者

稅其錢貧者役其力 九月丁巳魏軍發長安

發長安而東代

齊

王僧辯軍至鸚鵡洲

鸚鵡洲在江夏江中昔黃祖使廂街賦鸚鵡賦於此洲因

以得名洲之下即黃鵠磯

郢州司馬劉龍虎等潛送質於僧辯

質音致

邵陵王綸聞之遣其子威正侯礪將兵擊之

礪職日翻

龍虎

敗奔于僧辯綸以書責僧辯曰將軍前年殺人之姪

謂殺

河東王舉也

今歲伐人之兄

綸於繹兄也

以此求榮恐天下不許

僧辯送書於湘東王繹繹命進軍辛酉綸集其麾下於

西園

園在郢城西偏故曰西園  
又有東園在城東東湖上

涕泣言曰我本無佗志

在滅賊相東常謂與之爭帝遂爾見伐今日欲守則交

絕糧儲欲戰則取笑千載

載子亥翻

不容無事受縛當於下

流避之麾下壯士爭請出戰綸不從與礮自蒼門登舟

北出

據姚思廉梁書蒼門  
郢城北門帶江阻險

僧辯入據郢州繹以南平王

恪爲尚書令開府儀同三司世子方諸爲郢州刺史王

僧辯爲領軍將軍綸遇鎮東將軍裴之高於道之高之

子畿掠其軍器綸與左右輕舟奔武昌澗飲寺

武昌今壽昌軍

是僧濬馨匿綸於巖穴之下綸長史韋質司馬姜律等

聞綸尚在馳往迎之說七柵流民以求糧仗

時流民於北江州結

七柵以相保說式尚翻

綸出營巴水流民八九千人附之稍收散

卒屯于齊昌

據魏收志梁武帝置北江州治鹿城關領義陽齊昌新昌梁安齊興光城郡五代志

黃州木蘭縣梁曰梁安郡又有義陽郡後齊置湘州後改曰北江州則齊昌亦當在木蘭縣界唐省木蘭入黃岡縣宋白曰吳置斯春郡晉愍帝改西陽郡南齊北齊改西陽爲齊昌郡唐爲斯州遣使請和于

齊

使疏吏翻

齊以綸爲梁王

湘東王繹改封皇子大欵爲

臨川王大成爲桂陽王大封爲汝南王 癸亥魏軍至



潼關 庚午齊主如晉陽命太子殷居涼風堂監國

據北

史齊樂陵王百年傳涼風堂在鄴宮立都苑監工衙翻

南郡王中兵參軍張彪

等

南郡王大遠之鎮會稽也以張彪為中兵參軍

起兵於若邪山

若邪山在今越州東南四

十攻破浙東諸縣有衆數萬吳郡人陸令公等說太守

南海王大臨往依之

說式芮翻

大臨曰彪若成功不資我力

如其撓敗

撓奴教翻杜預曰撓曲也勢屈為撓

以我自解

言將歸罪於大臨以自解於侯

景不可往也

任約進寇西陽武昌初寧州刺史彭城

徐文盛募兵數萬人討侯景湘東王繹以為秦州刺史

五代志江都郡六合縣舊置秦郡後齊置秦州抑梁已置之歟

使將兵東下與約遇於

武昌繹以廬陵王應爲江州刺史以文盛爲長史行府

州事督諸將拒之

將卽亮

應續之子也

廬陵王續卒於武帝太清元年

邵陵王綸引齊兵未至移營馬柵距西陽八十里

西陽卽今

黃州黃岡縣古之邾城也

任約聞之遣儀同叱羅子通等將鐵騎二

百襲之

叱羅唐複姓騎奇寄翻

綸不爲備策馬亡走時湘東王繹

亦與齊連和故齊人觀望不助綸定州刺史田祖龍迎

綸綸以祖龍爲繹所厚懼爲所執復歸齊昌

復扶又翻

行至

汝南魏所署汝南城主李素綸之故吏也開城納之

魏收

志鄧州有汝南郡治上蔡縣五代志竟陵郡舊置鄧州

所領有漢東縣舊曰上蔡則汝南城即漢東縣城也又

按姚思廉梁書汝南治安陸重城宋白曰晉汝南郡人

流寓夏口因僑立汝南郡汝南縣於潼口荆湘記云金

水北岸有汝任約遂據西陽武昌

考異曰梁帝紀在十一月今從太清紀

南舊城是也

裴之高帥子弟部曲千餘人至夏首

帥讀曰率夏戶雅翻

湘東

王繹召之以為新興永寧二郡太守

新興郡置於江陵縣界永寧郡置於

襄陽南又以南平王恪為武州刺史鎮武陵

武陵唐為朗州至我

朝改為

初邵陵王綸以衡陽王獻為齊州刺史鎮齊

鼎州

昌任約擊擒之送建康殺之

考異曰梁帝紀在十一月今從太清紀

獻暢

之孫也

暢武帝之孫

乙亥進侯景位相國封二十郡爲漢

王加殊禮

岳陽王譽還襄陽

自朝魏而還也前已書  
梁王矣今復書舊

爵以義制言之合改正

黎州民攻刺史張資資弃城走

五代志  
義城郡

梁曰黎州唐之利州是也

州民引氏酋北益州刺史楊法琛據黎州

魏以武興爲東益州氏王楊氏居之梁蓋以爲北益州  
按下卷楊法琛治平興則梁置北益州於平興也酋慈

秋翻命王賈二姓詣武陵王紀請法琛爲刺史紀深責之

囚法琛質子崇顥崇虎

質音致顥  
魚容翻

冬十月丁丑朔法琛

遣使附魏

使疏吏翻

已卯齊主至晉陽宮

晉陽宮齊武帝所置唐志晉

陽宮在北都之西北宮城周二千五百二十步都城左

汾右晉潛丘在中長四千三百二十一步廣三千一百

二十二步周萬五千一百

廣武王長弼與并州刺史段

五十三步汾東曰東城

韶不協齊主將如晉陽長弼言於帝曰韶擁彊兵在彼

恐不如人意

言恐韶為變

豈可徑往投之帝不聽既至以長

弼語告之曰如君忠誠人猶有讒況其餘乎長弼永樂

之弟也

高永樂不內高昂使之喪元長弼又護段韶高歡父子為失刑矣

乙酉以特進

元韶爲尚書左僕射段韶爲右僕射 乙未侯景自加

宇宙大將軍都督六合諸軍事以詔文呈上上驚曰將

軍乃有宇宙之號乎立皇子大鈞為西陽王大威為

武寧王打球為建安王大昕為義安王

蕭子顯齊志寧  
鑾府所領有義

安郡大摯為綏建王

沈約志宋文帝元嘉十三年立  
綏建郡於漢南海郡四會縣也

大園

為樂梁

樂梁史無所考此時諸王所封皆郡名也當在  
大同中所分二十餘州不知處所之數

考異

曰太清紀在十一月  
十四日今從梁帝紀

齊東徐州刺史行臺辛術鎮下

邳十一月侯景徵租入建康術帥衆度淮斷之

帥讀曰  
卒斷音

短燒其穀百萬石遂圍陽平景行臺郭元建引兵救之

壬戌術略三千餘家還下邳 武陵王紀帥諸軍發成

都

考異曰南史云十一月壬寅按是月壬子朔無壬寅

湘東王繹遣使以書止

之曰蜀人勇悍易動難安

使疏吏翻弋鼓翻

弟可鎮之吾自當

滅賊又別紙曰地擬孫劉各安境界情深魯衛書信恒

通

地擬孫劉欲吳蜀各為一國也情深魯衛謂兄弟也恒戶登翻

甲子南平王恪帥

文武拜牋推湘東王繹為相國總百揆繹不許 魏丞

相泰自弘農為橋濟河至建州丙寅齊主自將出頓東

城

即晉陽之東城也將即亮翻

泰聞其軍容嚴盛歎曰高歡不死矣

會久雨自秋及冬魏軍畜產多死乃自蒲阪還於是河

南自洛陽河北自平陽已東皆入于齊

邊民見魏師無功齊能自立心

無反側謹場遂定

丁卯徐文盛軍貝磯任約帥水軍逆戰

帥讀

日文盛大破之斬叱羅子通趙威方仍進軍大舉口

水經

注江水東過郛縣南東逕白虎磯北又東逕貝磯北又東逕黎磯北北岸烽火洲即舉州也北對舉口舉水出龜頭山逕梁足州城南又逕梁司豫州城東又南歷齊安郡西又東南歷赤亭下分為二水南流注于江侯

景遣宋子仙等將兵二萬助約

將即亮翻

以約守西陽久不

能進自出屯晉熙

考異曰典略七月景軍次濡須使梁仲宣知留府事按典略九月景請



梁妃主同宴梁帝紀十月乙未景逼太宗幸西州不容  
七月已在濡須今因南康王會理事見之太清紀梁書  
輿略晉熙皆作  
皖口今從南史

南康王會理以建康空虛與太子左衛

將軍柳敬禮西鄉侯勸東鄉侯勸

勸弼 充翻

謀起兵誅王偉

安樂侯人理出奔長蘆

今其州六合縣有長蘆鎮及長蘆寺淳熙十二年徙寺於滁口

山之東張舜民曰長蘆鎮在滁河西南

集衆得千餘人建安侯賁中宿世

子子邕知其謀

中宿世子中宿侯之世子也沈約曰中宿漢舊縣屬南海郡吳度屬始興郡

以告偉偉收會理敬禮勸劬及會理弟祁陽侯通理俱

殺之

沈約曰祁陽縣吳立屬零陵郡考異曰輿略云十二月癸未建安侯賁等告會理按梁帝紀十月

壬寅景會理  
今從太清紀

人理爲左右所殺錢塘褚冕以會理故

舊捶掠千計

撫止藥翻  
掠音亮

終無異言會理隔壁謂之曰褚

郎卿豈不爲我致此

爲于  
偽翻

卿雖忍死明我我心實欲殺

賊冕竟不服景乃宥之勸冕之子賁正德之弟子子邕

愴之孫也

曷音丙愴徒敢  
翻又徒濫翻

帝自即位以來景防衛甚嚴

外人莫得進見

見賢  
遍翻

唯武林侯諮及僕射王克舍人殷

不害並以文弱得出入卧内帝與之講論而已及會理

死克不害懼禍稍自疎諮獨不離帝

離力  
智翻

朝請無絕景

惡之使其仇人刁戍刺殺諮於廣莫門外

朝直遙翻惡鳥路翻刺七

亦翻

考異曰太清紀

在會理死前今從南史

帝之即位也景與帝登重雲殿

據梁紀重雲殿在華林園項安世曰

梁

華林園重雲殿前置銅儀重直龍翻

禮佛為誓云自

今君臣兩無猜貳臣固不負陛下陛下亦不得負臣及

會理謀泄景疑帝知之故殺諮帝自知不久指所居殿

謂殷不害曰龐涓當死此下景自帥衆討楊白華于宣

城白華力屈而降景以其北人

楊白華大眼之子魏胡太后私幸之白華懼禍

奔梁帥讀曰率華讀曰花降戶江翻

全之以為左民尚書誅其兄子彬以

報來亮之怨

楊白華殺來亮見上卷太清三年

十二月丙子朔景封建

安侯賁為竟陵王中宿世子子邕為隨王仍賜姓侯氏

侯景賞其告會理之功也

辛丑齊主還鄴

自晉陽還也

邵陵王綸在

汝南脩城池集士卒將圖安陸魏安州刺史馬祐以告

丞相泰

五代志安陸郡梁置南司州西魏改曰安州今為德安州

泰遣楊忠將萬人

救安陸

將即亮翻

武陵王紀遣潼州刺史楊乾運南梁州

刺史譙淹合兵二萬討楊法琛

元和郡縣志梓潼郡梁置潼州潼音同

法

琛發兵據劔閣以拒之侯景還建康

自晉熙還也

初魏

敬宗以爾朱榮為柱國大將軍

柱國大將軍魏初官也世祖以加大尉長孫嵩

位在丞相上榮敗此官遂廢大統三年文帝復以丞相

泰為之

又復扶翻

其後功參佐命望實俱重者亦居此官凡

八人曰安定公宇文泰廣陵王欣趙郡公李弼隴西公李

虎河內公獨孤信南陽公趙貴常山公于謹彭城公侯

莫陳崇謂之八柱國泰始籍民之才力者為府兵身租

庸調一切蠲之

唐府兵之法本諸此凡受田之丁歲輸粟謂之租隨鄉所出每丁歲輸絹綾絁

布絲麻米蠶卿則歲輸銀謂之調用人之力歲二十日閏加二日不役者日為絹三尺謂之庸調徒男翻以

農隙講閱戰陳馬畜糧備六家供之合為百府每府一

即將主之

將即亮翻

分屬二十四軍泰任總百揆督中外諸

軍欣以宗室宿望從容禁闥而已

陳讀曰陣從千容翻

餘六人各

督二大將軍凡十二大將軍

廣平王元贊淮王元育齊王元廓章武郡公宇文導

平原郡公虔莫陳順高陽郡公達奚武陽平公李遠范陽公豆盧寧化政公宇文貴博陵公賀蘭祥陳留公楊忠武威公王雄凡十二人皆使持節大將軍每大將軍各統開府二人開府

各領一軍是後功臣位至柱國大將軍開府儀同三司

儀同三司者甚衆率為散官無所統御雖有繼掌其事

者聞望皆出諸公之下云

散悉重翻  
聞音問

齊主命散騎侍

郎宋景業造天保歷行之

時齊主命景業叶圖識造天  
保歷景業奏依擬識圖及元

命苞言齊受祿之期當魏分之紀得乘三十五以  
爲節應六百七十六以爲章齊主大悅乃施用之

資治通鑑卷一百六十三

總校官庶吉士  
校對官檢討  
金壽同  
寶

總校官庶吉士臣侍朝

校對官檢討臣龔大萬

謄錄舉人臣汪志伊



欽定四庫全書薈要

史部

資治通鑑卷一百六十五



詳校官編修臣汪鏞

資治通鑑卷一百六十四 宋 司馬光 撰

胡三省 音註

梁紀二十

起重光協洽盡立  
默泥灘凡二年

太宗簡文皇帝下

大寶二年春正月新吳余孝頃舉兵拒侯景

漢靈帝  
中平中

立新吳縣屬豫章郡  
隋省新吳入建昌縣

景遣于慶攻之不克

庚戌湘

東王繹遣護軍將軍尹悅安東將軍杜幼安巴州刺

史王珣將兵二萬自江夏趣武昌

江夏今鄂州武昌  
今壽昌軍將即亮

翻夏戶雅翻趣七俞翻  
典略在去年十一月今從太清記

受徐文盛節度

楊乾運攻拔劔閣楊法昌退保石門

去年武陵王紀  
遣楊乾運討楊

法琛祝穆曰大劔山在今劔門閣之劔門縣大劔山  
西北三十里有小劔山輿地廣記曰山有小石門穿

山通道六丈有餘即秦所通石牛道也又魏收志武  
都郡治石門縣隋為將利縣魏志東益州武興郡有

石門縣仇池郡有西石門縣輿地紀勝龍州江油縣  
東百里有石門戍杜佑曰龍州治江油縣有石門山

與氏分界蓋蜀多山險地之以石門名者多矣唐志  
利州景谷縣西有石門關此蓋楊法昌退保之地

乾運據南陰平

晉永嘉流寓置南陰平於緜竹之萇  
楊楊乾運既拔劔閣無緣奔險退保

縣竹五代志南梁州有陰平縣宋之北陰平郡也九域志劍州東北五十五里有劍門縣西北百六十里有陰平縣乾運所據其北陰平縣若漢志之陰平道則今之文州是也又在西北故以此為南陰平

辛亥齊主祀圓丘 張彪遣其將趙稜圍錢塘孫鳳

圍富春侯景遣儀同三司田遷趙伯超救之稜鳳敗

走 考異曰典略去年十一月彪自圓錢塘與趙伯超戰敗于臨平死者八萬餘人走還剡伯超兄子

稜在彪軍中謀殺彪偽請與彪盟引小刀披心出血自軟彪信之亦取刀刺血報之刀適至心稜以手按之刀斜入不深彪頓絕稜謂已死出外告彪諸將云彪已死當共求富貴彪左右韓武入視之彪已蘇細聲謂曰我尚活可與手武遂誅稜彪復奉表於湘東王繹今從太清紀 稜伯超之兄子

也 癸亥齊主耕籍田乙丑享太廟 魏楊忠匡汝

南李素戰死

李素納邵陵王綸見上卷上年

二月乙亥城陷執邵陵攜

王綸殺之

考異曰太清紀云宇文泰遣忠襲綸詐稱來相禮接綸白服與相見執而害之今從梁

書南史

授尸江岸岳陽王譽取而葬之

或告齊太尉彭

樂謀反壬辰樂坐誅

齊遣散騎常侍曹文皎使于江

陵

散悉重翻騎奇寄翻使疏吏翻曰典畧在正月甲午朔今從太清紀

考異

湘東王繹使

兼散騎常侍王子敏報之

侯景以王克為太師宋子

仙為太保元羅為太傅郭元建為太尉張化仁為司徒

或曰張化仁  
即支化仁

任約為司空王偉為尚書左僕射索超世

為右僕射

索蘇各翻

景置三公官動以十數儀同尤多以子

仙元建化仁為佐命元功偉超世為謀主于子悅彭雋

主擊斷

斷丁亂翻

陳慶呂季略盧暉丁和等為爪牙梁人為

景用者則故將軍趙伯超前制局監周石珍內監嚴賈

內監領

內器仗邵陵王記室伏知命自餘王克元羅及侍中殷

不害太常周弘正等景從人望加以尊位非腹心之任

也北兗州刺史蕭邕謀降魏侯景殺之楊乾運進

據平興平興者楊法琛所治也法琛退保魚石洞乾運

焚平興而歸

五代志義城郡景谷縣舊曰白水置平興郡唐志武德四年以利州之景谷及龍州

之方維置沙州貞觀元年州廢省方維為鎮以景谷還

屬利州西有石門關西北有白坭魚老二鎮城九域志

文州曲水縣有方維鎮劉昫曰利州景谷

縣漢白水縣地宋置平興縣隋為景谷縣李遷仕收衆

還擊南康

去年李遷仕敗走保寧都

陳霸先遣其將杜僧明等拒之

將即亮翻生擒遷仕斬之

考異曰太清紀在四月云遷仕追霸先於雩都縣連營相拒百餘

日是月廣州刺史蕭物遣歐陽隄水步萬餘人來援隄與戰大破之斬遷仕首餘黨悉降霸先引軍前進今從

陳書湘東王繹使霸先進兵取江州以為江州刺史 三

月丙午齊襄城王浟卒

庚戌魏文帝殂

年四十五

太子欽

立

欽文帝之長子也母乙弗后

乙卯徐文盛等克武昌進軍蘆洲

蘆洲

在武昌西晉伍胥去楚出闕於江上求渡漁父歌曰灼灼兮已私與子期兮蘆之漪子胥既渡解劍與之辭不受漁父遂覆舟而死即其處水經注漢邾縣故城南對蘆洲蘇軾曰武昌縣劉郎洑正與蘆洲相對伍子胥奔吳所從渡江也亦曰伍洲

己未齊以湘東王繹為梁相國建梁臺

摠百揆承制

齊司空司馬子如自求封王齊主怒庚

子免子如官

任約告急侯景自帥東西上攜太子大

器從軍以為質

帥讀曰率上時掌翻質音致

留王偉居守

守手又翻

閏月



景發建康

考異曰梁帝紀三月丁未景發京師典略云閏三月丁未按乙卯徐文盛克武昌不容

丁未景已發建康閏三月甲戌朔無丁未蓋字誤也

自石頭至新林舳舻相接舳音

逆鱗約分兵襲破定州刺史田龍祖於齊安

上卷作田祖龍此作

田龍祖必有一誤五代志黃州黃岡縣齊曰南安置齊安郡九域志黃岡縣有齊安鎮

壬寅景軍

至西陽與徐文盛夾江築壘癸卯文盛擊破之射其右

丞庫狄式和墜水死

射而亦翻

景遁走還營夏四月甲辰

魏葬文帝於永陵

郢州刺史蕭方諸年十五以行事

鮑泉和弱常侮易之

易以鼓翻

或使伏牀騎背為馬恃徐文

盛軍在近不復設備日以蒲酒為樂

復扶又翻蒲酒橋  
蒲飲酒也樂音洛

侯景聞江夏空虛

夏戶  
雅翻

乙巳使宋子仙任約帥精騎四

百由淮內襲郢州

自西陽至江夏百五十餘里景使宋  
子仙等蓋由蘆洲上流渡兵以襲之

帥讀曰率騎

奇寄翻下同

丙午大風疾雨天色晦冥有登陴望見賊

者告泉曰虜騎至矣泉曰徐文盛大軍在下賊何由得

至當是王珣軍人還耳既而走告者稍衆始命閉門子

仙等已入城方諸方踞泉腹以五色綵繡其髯

繡補典  
翻交結

也見子仙至方諸迎拜泉匿于牀下子仙俯窺見泉素

髯間綵

間古覓翻

驚愕遂擒之及司馬虞豫送於景所景因

便風中江舉帆遂越文盛等軍丁未入江夏文盛衆懼

而潰與長沙王韶等逃歸江陵

上甲侯韶去年繹封為長沙王

王珣杜

幼安以家在江夏遂降於景

降戶江翻

湘東王繹以王僧辯

為大都督帥巴州刺史丹楊淳于量定州刺史杜龕宜

州刺史王琳郴州刺史裴之橫東擊景

五代志巴陵郡梁置巴州夷陵

郡梁置宜州桂陽郡梁置郴州龕苦舍翻郴丑林翻

徐文盛以下並受節度龕岸

之兄子也戊申僧辯等軍至巴陵

自江陵至巴陵四十里自巴陵至江

夏三百五十里聞郢州已陷因留戍之繹遣僧辯書曰賊既乘

勝必將西下

遺于李翻自江夏指江陵當作西上

不勞遠擊但守巴丘

巴丘

即巴陵有巴丘山

以逸待勞無虜不克又謂將佐曰賊若水步

兩道直指江陵此上策也據夏首積兵糧中策也悉力

攻巴陵下策也巴陵城小而固僧辯足可委任景攻城

不拔野無所掠暑疫時起食盡兵疲破之必矣

湘東安能料敵

如此當時作史者為之辭耳將即亮翻夏戶雅翻

乃命羅州刺史徐嗣徽自岳

陽武州刺史杜蒧自武陵引兵會僧辯

五代志湘陰縣梁置羅州及岳

陽郡湘陰隋屬已陵郡又梁

置武州於武陵郡前士力翻

景使丁和將兵五千守夏

首宋子仙將兵一萬為前驅趙已陵

趙七喻翻

分遣任約直

指江陵景帥大兵水步繼進於是緣江戍邏望風請服

景石邏至於隱磯

拓斥開也邏遮也巡也拓開巡邏以張兵勢邏魯可翻又魯佐翻水經江

水自公安而東過下萬縣北又東逕彭城磯北彭城磯北對隱磯二磯之間大江之中也

僧辯乘城

固守偃旗臥鼓安若無人壬戌景衆濟江

自隱磯濟江考異曰梁

帝紀作甲子今從太清紀

遣輕騎至城下問城內為誰荅曰王領軍

騎曰何不早降

降戶江翻

僧辯曰大軍但向荊州此城自當

非礙

言兵若向荊州此城當非遮礙

騎去頃之執王珣等至城下使說

其弟琳琳曰兄受命討賊不能死難

說式芮翻難乃旦翻

曾不內

慙翻欲賜誘取弓射之珣慙而退景肉薄百道攻城

薄伯

各翻城中鼓譟矢石雨下景士卒死者甚衆乃退僧辯遣

輕兵出戰凡十餘返皆捷景披甲在城下督戰

誘音酉射而亦

翻被皮義翻

僧辯著綬乘輿奏鼓吹巡城

著陵略翻綬音受吹昌瑞翻

景

望之服其膽勇岳陽王謦聞侯景克郢州遣蔡大寶將

兵一萬進據武寧

五代志竟陵郡樂鄉縣舊置武寧郡劉昫曰樂鄉漢郡縣也其地當在今

郢州長壽縣西北宋白曰桓玄立武寧郡於故編  
縣城其屬有長林縣與郡俱立分編縣所置也遣使

至江陵詐稱赴援

使疏吏翻

衆議欲答以侯景已破令其退

軍湘東王繹曰今語以退軍

語牛居翻

是趣之令進也

趣讀曰促

乃使謂大寶曰岳陽累啟連和不相侵犯卿那忽據武

寧今當遣天門太守胡僧祐精甲二萬鐵馬五千頓建

水待時進軍營聞之召其軍還

建居偃翻還從宣翻又如字

僧祐南

陽人也五月魏隴西襄公李虎卒侯景晝夜攻巴

陵不克軍中食盡疾疫死傷大半湘東王繹遣晉州刺

史蕭惠正將兵援巴陵惠正辭不堪舉胡僧祐自代僧

祐時坐謀議忤旨繫獄

據梁書胡僧祐傳時西沮蠻反使僧祐討之令盡誅其渠帥僧

祐諫忤旨下獄忤五故翻

繹即出之拜武猛將軍令赴援戒之曰賊

若水戰但以大艦臨之必克

艦尸煎翻

若欲步戰自可鼓棹

直就已丘不須交鋒也僧祐至湘浦

湘水入湖之口曰浦

景遣任

約帥銳卒五千據白堦以待之

堦又尺翻

僧祐由它路西上

上時掌翻

約謂六畏已急追之及於芋口

據姚思廉梁書芋口在南平郡安南

縣呼僧祐曰吳兒何不早降

降戶江翻

走何所之僧祐不應



潛引兵至赤沙亭

水經注澧水過作唐縣北而東逕安南縣南又東與赤湖水會二縣皆屬

南平郡已陵志洞庭湖在已丘西西吞赤沙南連青草橫亘七八百里又有赤亭城二面臨水即胡僧祐所據

杜祐曰已陵郡西華容界有赤亭城城近赤亭湖因名任約擒於此會信州刺史陸法和

至與之合軍法和有異術隱於江陵百里洲盛弘之荊州記曰百

里洲在枝江縣縣左右有數十洲禁布川中百里洲最為大衣食居處一如苦行沙

門苦行沙門謂沙門能清苦守戒行者也或豫言吉凶多中中竹

仲翻人莫能測侯景之圖臺城也或問之曰事將何如法

和曰凡人取果宜待熟時不捺自落捺落雕翻固問之

法和曰亦克亦不克

亦克謂侯景取臺城不克謂景終於敗也法和若設為兩端之言使

人莫之測而卒之言驗

及任約向江陵法和自請擊之繹許之壬

寅約至赤亭六月甲辰僧祐法和縱兵擊之約兵大潰

殺溺死者甚衆

溺奴秋翻

擒約送江陵景聞之乙巳焚營宵

遁以丁和為郢州刺史留宋子仙等衆號二萬戍郢城

別將支化仁鎮魯山

考異曰梁帝紀作魏司徒張化仁按魏司徒安得為景守城今從

典略范希榮行江州事

考異曰典略云江州刺史今從太清紀

儀同三司任

延和晉州刺史夏侯威生守晉州

梁於晉熙郡置晉州

景與麾下

兵數千順流而下丁和以大石磕殺鮑泉及虞預沈於

黃鶴磯

磯古盍翻沈持林翻祝穆曰黃鶴山一名黃鵠山在江夏縣東九里近縣西北二里有黃鶴磯

水經注黃鵠山東北對夏口城黃鵠磯直鵲鵠洲之下尾

任約至江陵繹殺之徐丈

盛坐怨望下獄死

下遐稼翻下東下同

巴州刺史余孝頃遣兒子

僧重將兵救鄱陽于慶退走

余孝頃起於新吳梁授以巴州刺史考異曰長曆六

月癸卯朔大清紀一日慶走二日擒任約三景走今從梁帝紀

繹以王僧辯為征東

將軍尚書令胡僧祐等皆進位號使引兵東下陸法和

請還既至謂繹曰侯景自然平矣蜀賊將至請守險以

待之

法和知武陵王紀必東下

乃引兵屯峽口

王峽之口也

庚申王僧辯

至漢口先攻魯山擒文化仁送江陵辛酉攻郢州克其

羅城斬首千級宋子仙退據金城僧辯四面起土山攻

之豫州刺史荀朗自巢湖出濡須邀景破其後軍

荀朗起兵

據巢湖帝密詔授豫州刺史使討景

景奔歸船前後相失太子船入樅陽

浦

樅七容翻

船中腹心皆勸太子因此入北太子曰自國家

喪敗志不圖生主上蒙塵寧忍遠離左右

喪息浪翻離力智翻

吾

今若去是乃叛父非避賊也因涕泗嗚咽即命前進

毛詩

自目曰涕自鼻曰泗  
史言哀太子之孝

甲子宋子仙等困蹙乞輸郢城身

還就景王僧辯偽許之命給船百艘以安其意

魏蘇刀翻

子

仙謂為信然浮舟將發僧辯命杜龕帥精勇千人攀堞

而上

龕苦舍翻帥讀曰率下同堞連協翻上時掌翻

鼓譟奄進水軍主宋遙帥

樓船暗江雲合

言樓船四合如雲江為之暗

子仙且戰且走至自楊

浦

白楊浦並去郢城未遠

大破之周鐵虎生擒子仙及丁和送江

陵殺之

庚午齊主以司馬子如高祖之舊復以為太

尉

是年三月齊主免子如官復扶又翻

江安侯圓正為西陽太守

宋白曰江安縣

本漢江陽縣地

寬和好施

好叶到翻施式智翻

歸附者衆有兵一萬湘東

王繹欲圖之署為平南將軍及至弗見使南平王恪與之飲醉因囚之內省分其部曲使人告其四荊益之覺

自此起矣

圓正武陵王紀第二子也為紀東下攻繹張本釁許覲翻

陳霸先引兵

發南康贛石舊有二十四灘會水暴漲數丈三百里間

巨石皆沒霸先進損西昌

章貢圖經曰東江發源於汀州界之新樂山經寧都而會

于章水西江導源於南安大庾縣之聶都山與貢水合會于贛水二水合而為贛在州治後北流一百八十里至萬安縣界由萬安而上為灘十有八怪石如精鐵突兀廉屬錯峙波面自贛水而上信豐寧都俱有石磧險

阻視十八灘故俚俗以為上下三百里賴石  
吳立西昌縣屬廬陵郡今在吉州太和縣界

鐵勒將

伐柔然突厥酋長土門邀擊破之盡降其衆五萬餘落

厥九勿翻酋慈秋翻  
長知兩翻降戶江翻

土門恃其彊盛求婚於柔然柔然

頭兵可汗大怒使人詈辱之曰爾我之鍛奴也

突厥本  
柔然鐵

工故云然可從刊入  
聲汗音寒詈力智翻

何敢發是言土門亦怒殺其使者

遂與之絕而求婚於魏魏丞相泰以長樂公主妻之

疏使

吏翻樂音洛  
妻七細翻

秋七月乙亥湘東王繹以長沙王韶監

郢州事

監工  
銜翻

丁亥侯景還至建康

考異曰典略作六月  
壬戌太清紀作七

月二十日  
今從梁帝紀

于慶自鄱陽還豫章侯瑱閉門拒之慶走

江州據郭默城

走音奏晉將郭默反時所築城也瑱它旬翻又音鎮

繹以瑱為充

州刺史

據瑱傳投南兖州刺史

景悉殺瑱子弟

侯景留瑱子弟為質見上卷上年

辛丑王僧辯棄勝下湓城

下遐嫁翻

陳霸先帥所部三萬人

將會之屯於巴丘

此吳所置巴丘縣也屬廬陵郡界帥讀曰率

西軍乏食

王僧

辯之軍自荊州來故謂之西軍

霸先有糧五十萬石分三十萬石以資

之八月壬寅朔王僧辯前軍襲于慶慶弃郭默城走范

希榮亦弃尋陽城走晉熙王僧振等起兵圍郡城僧辯



遣沙州刺史丁道貴助之

魏收志梁武帝置沙州治白沙關城領建寧齊安郡當在

黃州黃岡縣界任延和等弃城走

仕音

湘東王繹命僧辯且頓

尋陽以待諸軍之集初景既克建康常言吳兒怯弱易

以掩取

易弋鼓翻

當須拓定中原然後為帝景尚帝女漂陽

公主嬖之妨於政事

漂音栗嬖卑義翻又博計翻

王偉屢諫景景以

告主主有惡言偉恐為所讒因說景除帝

說式為翻

及景自

巴陵敗歸猛將多死

謂宋子仙之屬將即亮翻

自恐不能久存欲早

登大位王偉曰自古移鼎

武王克商遷九鼎於洛邑故後之奪人之國者率謂之移

必昂須廢立既示我威權且絕彼民望景從之使前壽

光殿學士謝昊為詔書以為弟姪爭立

弟謂湘東王繹  
武陵王紀姪謂

河東王譽  
岳陽王譽

星辰失次皆由朕非正緒召亂致災宜禪位

於豫章王棟使呂季略齎入逼帝書之棟歡之子也

華容

公歡昭明  
太子之子

戊午景遣衛尉卿彭雋等帥兵入殿廢帝為

晉安王幽於永福省悉撤內外侍衛使突騎左右守之

牆垣悉布枳棘

枳似橘而多刺棘似棗而多刺  
即讀曰率騎奇奇翻枳諸氏翻

庚申下

詔迎豫章王棟棟時幽拘廩餼甚薄

餼許氣翻

仰蔬茹為食

方與妃張氏鉏葵

葵菜也

法駕奄至棟驚不知所為泣而

升輦景殺哀太子大噐尋陽王大心酉陽王大鈞建平

王大球義安王大昕及王侯在建康者二十餘人太子

神明端嶷

嶷魚力翻

於景黨未嘗屈意所親竊問之太子曰

賊若於事義未須見殺

事義猶言事宜也

吾雖陵慢呵叱終不

敢言若見殺時至雖一日百拜亦無所益又曰殿下今

居困阨而神貌怡然不貶平日何也

貶損也

太子曰吾自

度死日必在賊前

度徒洛翻

若諸叔能滅賊賊必先見殺然

後就死若其不然賊亦殺我以取富貴安能以必死之

命為無益之愁乎及難

難乃旦翻

太子顏色不變徐曰久知

此事嗟其晚耳刑者將以衣帶絞之太子曰此不能見

殺命取帳繩絞之而絕壬戌棟即帝位

考異曰典略作壬辰誤今從

大清紀

大赦改元天正太尉郭元建聞之自秦郡馳還謂

景曰主上先帝太子既無愆失何得廢之景曰王偉勸

吾云早除民望吾故從之以安天下元建曰吾挾天子

令諸侯猶懼不濟無故廢之乃所以自危何安之有景

欲迎帝復位以棟為太孫王偉曰廢立大事豈可數改

邪乃止

數所角翻

乙丑景又使殺南海王大臨於吳郡南郡

王大連於姑孰

考異曰太清紀云於九江今從梁書

安陸王大春於會

稽高唐王大壯於京口

大臨時為吳郡太守大連時為江州刺史在姑孰大春時為東

揚州刺史姚思廉梁書大壯作大莊始封高唐郡公後進封新興王時為南徐州刺史皆就殺之會工外翻

以太子妃賜郭元建元建曰豈有皇太子妃乃為人妾

乎竟不與相見聽使入道丙寅追尊昭明太子為昭明

皇帝豫章安王為安皇帝

華容公歡進封豫章王薨謚曰安

金華敬妃

為敬太皇太后

昭明太子妃蔡氏昭明既薨武帝為妃別立金華宮供侍一同常儀薨謚曰敬

按敬妃已薨只當追謚皇后以從夫曰太皇太后非也

豫章太妃王氏為皇太后

妃張氏為皇后以劉神茂為司空九月癸巳齊主如

趙定二州

五代志趙郡大陸縣舊曰廣同置殷州及南鉅鹿郡後改為南趙郡改殷州為定州治中

山遂如晉陽己亥湘東王繹以尚書令王僧辯為江州

刺史江州刺史陳霸先為東揚州刺史王偉說侯景

弑太宗以絕衆心

侯景尊帝廟號曰高宗元帝追謚曰簡文皇帝廟號太宗說式芮翻

景

從之冬十月壬寅夜偉與左衛將軍彭雋王修纂進酒

於太宗曰丞相以陛下幽憂既久使臣等來上壽

上時掌翻

太宗笑曰已禪帝位何得言陛下此壽酒將不盡此乎

言壽將盡

於是雋等齎曲項琵琶

杜佑曰傳玄琵琶賦云漢遣公主嫁烏孫

於此酒念其行道思慕故使工人裁箏筑為馬上之樂今觀其器中虛外實天地象也盤圓柄直陰陽叙也柱十有二配律呂也四絃法四時也以方俗語之曰琵琶取其易傳於外國也風俗通云以手琵琶因為名釋名曰推手前曰秘引手却曰把杜鰲曰秦人苦長城之役絃鼗而鼓之並未詳孰是今清樂奏琵琶俗謂之秦漢子圓頭修頸而小疑是絃鼗之遺制傳玄云體圓柄直柱十有二其他皆兌上銳下曲項形制稍大本出胡中俗傳是漢制鼗用兩制者謂之秦漢據此事則南朝似無曲項琵琶劉昫曰琵琶四絃曲項琵琶五絃出胡中與

太宗極飲太宗知將見殺因盡醉曰不圖為樂之至於

斯也

樂音洛

既醉而寢偉乃出雋進土囊修纂坐其上而

殂

年四十九

偉撤門扉為棺遷殯於城北酒庫中太宗自幽

繫之後無復侍者及紙

復扶又翻

乃書壁及板障

柱間不為壁以板為

障施以丹漆因謂之板障

為詩及文數百篇辭甚悽愴

愴丑亮翻

景謚曰

明皇帝廟號高宗

侯景之逼江陵也湘東王繹求援

於魏命梁秦二州刺史宜豐侯循以南鄭與魏

晉志豫章郡有

宜豐

名循還江陵循以無故輸城非忠臣之節

考異曰南史



宜豐侯修  
今從梁書報曰請待改命魏太師泰遣大將軍達奚武

將兵三萬取漢中

將即亮翻

又遣大將軍王雄出子午谷攻

上津

五代志西城郡豐利縣梁置南上洛郡西魏改郡曰豐利後周省郡入上津郡唐以上津為縣屬商

州循遣記室參軍沛人劉璠求援於武陵王紀

璠字袁翻

紀

遣潼州刺史楊乾運救之循恢之子也

鄱陽王恢武帝之弟

王僧

辯等聞太宗殂丙辰啟湘東王繹請上尊號

上時掌翻下復上同

考異曰典略作乙卯今從太清記

繹弗許

司空東道行臺劉神茂聞

侯景自己丘敗還陰謀叛景吳中士大夫咸勸之乃與

儀同三司尹思合劉歸義王暉雲麾將軍元頤等據東

陽以應江陵

顏居筠翻又紆論翻

遣頤及別將李占下據建德江

口

五代志東陽郡金華縣隋廢建德縣入馬唐武德四年復置建德縣分為睦州治所今東陽江新安江合

於州城南十里將即亮翻

張彪攻永嘉克之新安民程靈洗起兵據

郡以應神茂於是浙江以東皆附江陵湘東王繹以靈

洗為譙州刺史領新安太守

程靈洗字玄滌洗讀如字湘東以刺史寵靈洗實領

新安太守職

十一月乙亥王僧辯等復上表勸進

復扶湘

東王繹不許戊寅繹以湘州刺史安南侯方矩為中衛

將軍以自副

考異曰梁書在八月辛亥今從太清紀

方矩方諸之弟也以

南平王恪為湘州刺史侯景以趙伯超為東道行臺據

錢塘以田遷為軍司據富春以李慶緒為中軍都督謝

答仁為右廂都督李遵為左廂都督以討劉神茂已

卯加侯景九錫漢國置丞相以下官己丑豫章王棟禪

位於景景即皇帝位於南郊還登太極殿其黨數萬皆

吹脣鼓譟而上

上時掌翻

大赦改元太始封棟為淮陰王并

其二弟橋樛同鎖於密室

樛居料翻

王偉請立七廟景曰何

謂七廟偉曰天子祭七世祖考并請七世諱景曰前世

吾不復記唯記我父名標且彼在朔州那得來噉此

景侯

本懷朔鎮人魏改

衆咸笑之景黨有知景祖名乙羽周

懷朔鎮為朔州

者自外皆王偉制其名位追尊父標為元皇帝景之作

相也以西州為府文武無尊卑皆引接及居禁中非故

舊不得見由是諸將多怨望

將即亮翻

景好獨乘小馬彈射

飛鳥

好呼到翻彈射飛鳥北俗也彈徒丹翻射而亦翻

王偉每禁止之不許輕

出景鬱鬱不樂

樂音洛

更成失志曰吾無事為帝與受擯

不殊擯弃也擯斥者不得預人事故事景以為言

壬辰湘東王以長沙王韶

為郢州刺史益州長史劉孝勝等勸武陵王紀稱帝

紀雖未許而大造乘輿車服

乘輿車服天子之車服也乘繩證翻

十二

月丁未謝答仁李慶緒攻建德擒元顓李占送建康景

截其手足以徇經日乃死齊主每出入常以中山王

自隨王妃太原公主恒為之飲食護視之

太原公主勃海王歡之女

恒戶登翻為于偽翻飲於禁翻下同食祥吏翻

是月齊主飲公主酒使人鴈中

山王殺之并其三子謚王曰魏孝靜皇帝葬于鄴西漳

北其後齊主忽掘其陵投梓宮於漳水齊主初受禪魏

神主悉寄於七帝寺

以寄魏七廟神主故謂之七帝寺

至是亦取焚之

彭城公元韶以高氏婿

元韶娶魏孝武帝后高歡之女也

寵遇異於諸

元開府儀同三司美陽公元暉業

魏濟陰王暉業齊以受禪降封美陽公以

位望隆重又志氣不倫尤為齊主所忌從齊主在晉陽

暉業於宮門外罵韶曰爾不及一老嫗負璽與人

嫗戚遇翻

韶奉璽於齊見上卷上年璽斯氏翻

何不擊碎之我出此言知即死爾亦

詎得幾時齊主聞而殺之及臨淮公元孝友皆鑿汾水

冰沈其尸孝友或之弟也

或魏臨淮王沈持林翻

齊主嘗剝元韶

鬢鬚加之粉黛以自隨曰吾以彭城為嬪御言其懦弱

如婦人也

剝它計翻嬪毗嬪翻懦奴亂翻

世祖孝元皇帝上

諱繹字世誠小字七符武帝第七子也

承聖元年

是年十一月方即位改元

春正月湘東王以南平內史王

褒為吏部尚書褒騫之孫也

王騫儉之孫

齊人屢侵侯景

邊地甲戌景遣郭元建帥步軍趨小峴

帥讀曰率下同趨七喻翻峴戶

典侯子鑒帥舟師向濡須已卯至合肥

考異曰典略二月庚子子鑒

等圍合肥克其羅城今從太清紀

齊人閉門不出乃引還丙申齊主

伐庫莫奚大破之俘獲四千人雜畜十餘萬

畜許又翻

齊主

連年出塞給事中兼中書舍人唐邕練習軍書自督將

以降勞効本末及四方軍士彊弱多少番代往還器械

精粗

將即亮翻少詩沿翻粗倉呼翻

糧儲虛實靡不諳悉

諳烏含翻

或於帝

前簡閱雖數千人不執文簿唱其姓名未嘗謬誤帝嘗

曰唐邕彊幹一人當千又曰邕每有軍事手作文書口

且處分

處昌呂翻分扶問翻

耳又聽受實異人也寵待賞賜羣臣



莫及 魏將王雄取上津魏興東梁州刺史安康李遷

招軍敗降之

五代志西城郡安康縣舊曰寧都齊置安

寧都二縣皆齊所置魏收曰安康縣漢時漢中郡之安陽縣也將即亮翻降戶江翻

突厥土門

襲擊柔然大破之柔然頭兵可汗自殺

厥居勿翻可從刊入聲汗音寒

其太子菴羅辰及阿那瓌從弟登注俟利登注子庫提

並帥衆奔齊餘衆復立登注次子鐵伐為王

從才用翻帥讀曰率

下同復扶又翻

土門自號伊利可汗號其妻為可賀敦子弟謂

之特勒

考異曰諸書或作勒勒今從劉昫舊唐書及宋祁新唐書

別將兵者皆謂

之設 湘東王命王僧辯等東擊侯景二月庚子諸軍

發尋陽舳艫數百里陳霸先帥甲士三萬舟艦二千自

南江出湓口會僧辯於白茅灣

贛水謂之南江過彭澤縣西注于彭蠡北入于

江白茅灣在桑落洲西南史王僧辯傳霸先帥衆五萬出自南江前軍五千行至湓口蓋水陸俱下也帥讀曰

率

築壇歃血

歃色甲翻

共讀盟文流涕慷慨癸卯僧辯使侯

瑱襲南陵鵠頭二戍克之戊申僧辯等軍於大雷丙辰

發鵠頭戊午侯子鑒還至戰鳥

子鑒蓋自合肥還杜佑曰宣州南陵縣有鵠洲

有戰鳥圻孤在江中本名孤圻昔桓溫舉兵東下住此圻中宵鳥驚溫謂官軍圍之既而定以羣鳥驚噪因名

戰鳥唐顧況集有題靈山寺詩下  
注戰鳥蓋戰鳥圻後為靈山寺

西軍奄至子鑒驚懼

奔還淮南

淮南今太平州當塗之地

侯景儀同三司謝荅仁攻劉

神茂於東陽程靈洗張彪皆勒兵將救之神茂欲專其

功不許營於下淮或謂神茂曰賊長於野戰下淮地平

四面受敵不如據七里瀨

七里瀨在桐廬縣距建德四十餘里與嚴陵瀨相接

賊

必不能進不從神茂偏裨多北人不與神茂同心別將

王暉麗通並據外營降於荅仁劉歸義尹思合等弃城

走神茂孤危辛未亦降於荅仁

降戶江翻

荅仁送之建康

癸酉王僧辯等至蕪湖侯景守將張黑弃城走景聞之

甚懼下詔赦湘東王繹王僧辯之罪衆咸笑之侯子鑒

據姑孰南洲以拒西師景遣其黨史安和等將兵二千

助之三月己巳朔景下詔欲自至姑孰又遣人戒子鑒

曰西人善水戰勿與爭鋒往年任約之敗良為此也

去年

景與徐文盛水戰亦敗走不特任約也以故畏之為于偽翻若得步騎一交必當可

破汝但結營岸上引船入浦以待之子鑒乃捨舟登岸

閉營不出僧辯等停軍蕪湖十餘日景黨大喜告景曰

西師畏吾之彊勢將遁矣不擊且失之景乃復命子鑒

為水戰之備

復扶又翻

丁丑僧辯至姑孰子鑒帥步騎萬餘

人度洲於岸挑戰又以鵠舫千艘載戰士

類篇曰鵠舫船長貌王篇

曰鵠舫小船也集韻鵠丁了翻舫胡鳥翻按王僧辯傳

鵠舫其中載士兩邊悉八十棹棹手皆越人去來趣襲

捷遇風電蓋今之水哨馬即其類

考

僧辯麾細船皆

異曰典略作烏鵠舫千艘今從梁書

令退縮留大艦夾泊兩岸子鑒之衆謂水軍欲退爭出

趨之

趨七喻翻

大艦斷其歸路

斷音短

鼓譟大呼合戰中江

火呼

故翻子鑒大敗士卒赴水死者數千人子鑒僅以身免收

散卒走還建康據東府僧辯留虎臣將軍莊丘慧達鎮

姑孰引軍而前歷陽戍迎降

降戶江翻

景聞子鑒敗大懼涕

下覆面

覆敷又翻

引衾而卧良久方起歎曰誤殺乃公庚辰

僧辯督諸軍至張公洲

張公洲即蔡州考異曰典略作戊寅今從太清紀

辛巳

乘潮入淮進至禪靈寺前

禪靈寺齊武帝所建

景召石頭津主張

賓使引淮中舡舫及海幢

舡音义舫蒲故翻方言船短而深謂之舫幢尺庸翻以

石縋之塞淮口

縋雖偽翻塞悉則翻

緣淮作城自石頭至於朱雀

街十餘里中樓堞相接

堞達協翻

僧辯問計於陳霸先霸先

曰前柳仲禮數十萬兵隔水而坐韋粲在青溪竟不度

岸賊登高望之表裏俱盡故能覆我師徒

事見一百六十二卷武帝

太清

三年今圍石頭須度北岍諸將若不能當鋒霸先請先

往立柵壬午霸先於石頭西落星山築柵

考異曰陳書云橫隴立

柵今從  
典略

衆軍次連入城直出石頭西北景恐西州路絕

自帥侯子鑒等亦於石頭東北築五城以遏大路

帥讀曰率

景使王偉守臺城乙酉景殺湘東王世子方諸前平東

將軍杜幼安

劉神茂至建康丙戌景命為大劉碓先

進其尺寸斬之以至於頭

劉神茂始導侯景取壽陽及其度江又為木牙東南

之禍神茂實為之其死晚矣大劉確者為大劉刀發機如確使人踏之確都內翻

留異外同神

茂而潛通於景故得免禍

丁亥王僧辯進軍招提寺

北

招提寺在石頭城北

侯景帥眾萬餘人鐵騎八百餘匹陳於西

州之西

陳讀曰陣下志陳衛陳陳不同

陳霸先曰我眾賊寡應分其兵

勢以彊制弱何故聚其鋒銳令致死於我乃命諸將分

處置兵景衛將軍王僧志陳僧志小縮霸先遣將軍安

陸徐度將弩手二千橫截其後

弩矢之力可以及遠橫截其後箭鋒所到敵必



驚景兵乃却霸先與王琳杜龕等以鐵騎乘之僧辯以

大兵繼進景兵敗退據其柵龕岸之兄子也

杜岸死於  
太清三年

荆雍構難之時龕岸

兄岑之子龕苦舍翻景儀同三司盧暉略守石頭城開

北門降

降戶江翻

僧辯入據之景與霸先殊死戰景帥百餘

騎奔稍執刀左右衝陳

稍色角翻

陳不動衆遂大潰諸軍逐

北至西明門

西明門建康外城西中門

景至闕下不敢入臺召王偉

責之曰爾令我為帝今日誤我偉不能對統闕而藏景

欲走偉執鞭諫曰

鞭苦貢翻

自古豈有叛天子邪宮中衛士

猶足一戰弃此將欲安之景曰我昔敗賀拔勝

見一百五十六

卷武帝中大通

六年敗補邁翻

破葛榮

見一百五十二年

揚名河朔度江

平臺城降柳仲禮如反掌

見一百六十有二卷太清三年降戶江翻

今日天

亡我也因仰觀石闕歎息久之以皮囊盛其江東所生

二子

盛時征翻景至建康所生子也

掛之鞍後與房世貴等百餘騎東

走欲就謝答仁於吳侯子鑒王偉陳慶奔朱方僧辯命

裴之橫杜龕屯杜姥宅杜崩入據臺城僧辯不戢軍士

剽掠居民男女裸露

姥莫補翻崩士力翻戢則立翻剽匹妙翻裸即果翻

自石頭

至於東城號泣滿道

號戶刀翻

是夜軍士遺火焚太極殿及

東西堂寶器羽儀輦輅無遺

史言王僧辯御軍無法失伐罪弔民肅清禁輦之意

戊子僧辯命侯瑱等帥精甲五千追景王克元羅等帥

臺內舊臣迎僧辯於道僧辯勞克曰

勞力到翻

甚苦當多事

之日克不能對又問璽綬何在

璽斯氏翻綬音弗

克良久曰趙

平原持去

侯景侍中趙思賢兼平原太守

僧辯曰王氏百世卿族一朝

而墜僧辯迎太宗梓宮升朝堂帥百官哭踊如禮

朝直遙翻

己丑僧辯等上表勸進

上時掌翻

考異曰梁帝紀戊子王以賊平告明堂大社己丑

僧辯等奉表按表文云衆軍以戊子總集建康豈是日告捷即能達江陵乎蓋僧辯等以己丑日發表勸進耳

且迎都建業湘東王答曰淮海長鯨雖云授首襄陽短

狐未全革面

禹貢曰淮海惟揚州長鯨謂侯景古者伐國取其鯨鯢以為大戰岳陽王營據襄陽

與湘東為敵故斥為短狐短狐蠅也含沙射人中之者死易曰小人革面

太平王燭爾乃議

之爾雅春為青陽夏為朱明秋為白藏冬為玄英四時和謂之玉燭釋云此釋太平之時四時和暢以致嘉

祥之事也云春為青陽者言春之氣和則青而溫陽也云夏為朱明者言夏之氣和則赤而光明也云秋為白藏者言秋之氣和則白而收藏也云冬為玄英者言冬之氣和則黑而清英也四時和謂之玉燭者言四時和氣溫潤明照故謂之玉燭李巡云人君德美如玉而明若燭聘義君子比德於玉焉是時人君若德輝動於內

則和氣應於外統  
而言之謂之玉燭

庚寅南兖州刺史郭元建秦郡戍主

郭正買

侯景以廣陵為南兖州因南朝之舊也

陽平戍主魯伯和行南徐

州事郭子仲並據城降

降戶江翻

僧辯之發江陵也啟湘東

王曰平賊之後嗣君萬福未審何以為禮王曰六門之

內自極兵威

臺城六門大司馬門萬春門東華門西華門太陽門承明門

僧辯曰討

賊之謀臣為己任成濟之事請別舉人

成濟弒魏高貴鄉公王僧辯欲

避弒君之惡名故云

王乃密諭宣猛將軍朱買臣使為之所及景

敗太宗已殂豫章王棟及二弟橋樛相扶出於密室

樛居

叫翻逢杜崩於道為去其鎖二弟曰今日始免橫死矣為

偽翻去羗呂棟曰倚伏難知吾猶有懼賈誼鵬賦曰福兮福所倚福兮

禍所幸卯遇朱買臣呼之就船共飲未竟並沈於水沈

林僧辯遣陳霸先將兵向廣陵受郭元建等降又遣使

者往安慰之將即亮翻降戶諸將多私使別索馬仗索

客會侯子鑒度江至廣陵謂元建等曰我曹梁之深讎

何顏復見其主復扶不若投北可得還鄉遂皆降齊霸

先至歐陽齊行臺辛術已據廣陵王偉與侯子鑒相失

直瀆戍主黃公喜獲之送建康

孫盛晉春秋曰直瀆在方山王安石詩山端直

瀆輪淮口陸游曰直瀆吳孫氏所開溫庭筠過吳景帝陵詩靈開直瀆三千里青蓋何曾到洛陽按侯于鑒王偉已度江此非方山之直瀆也沈約志

時昭太守管下有直瀆今晉安帝立縣

王僧辯問曰卿

為賊相不能死節而求活草間邪偉曰廢興命也使漢

帝早從偉言明公豈有今日

謂臺城之破僧辯已降侯景縱還竟陵使有今日偉

之此言亦以愧僧辯也

尚書左丞虞隲嘗為偉所辱乃唾其面偉

曰君不讀書不足與語隲慙而退

隲之日翻唾吐臥翻

僧辯命羅

州刺史徐嗣徽鎮朱方壬辰侯景至晉陵得田遷餘兵

四遷東攻劉神茂  
有餘兵在晉陵

因驅掠居民東趨吳郡

趙七喻翻

夏四

月齊主使大都督潘樂與郭元建將兵五萬攻陽平拔

之王僧辯啟陳霸先鎮京口

考異曰陳紀高祖應接郭元建還僧辯啟高祖

鎮京口按是時徐嗣徽為南徐州刺史

蓋霸先但領兵戍京口耳未為刺史也

益州刺史太

尉武陵王紀頗有武略在蜀十七年南開寧州越雋西

通資陵吐谷渾內修耕桑鹽鐵之政外通商賈遠方之

利

雋音髓吐從職入聲谷音浴賈音古

故能殖其財用器甲殷積有馬

八千匹聞侯景陷臺城湘東王將討之謂僚佐曰七官



文士豈能匡濟

湘東於兄弟次第七故呼為七官

內寢柏殿柱繞節生

花紀以為已瑞乙巳即皇帝位改元天正立子圓照為

皇太子圓正為西陽王圓滿為竟陵王圓普為譙王圓

肅為宜都王以巴西梓潼二郡太守永豐侯為征西

大將軍益州刺史封秦郡王

吳立永豐縣屬始安郡為吁為翻

司馬王

僧略直兵參軍徐悺固諫不從

悺普耕翻

僧略僧辯之弟悺

勉之從子也

徐勉梁初賢相從才用翻

初臺城之圍悺勸紀速入援

紀意不欲行內銜之會蜀人費合告悺反悺有與將帥

書云事事往人口具紀即以為反徵

費扶沸翻將即亮翻帥所類翻徵讀

曰證謂怍曰以卿舊情當使諸子無恙

恙余亮翻

對曰生兒悉

如殿下留之何益

以議切紀不能救君父

紀乃盡誅之梟首於市

梟堅亮翻

亦殺王僧略永豐侯撫歎曰王事不成矣善人國

之基也今先殺之不亡何待紀徵宜豐侯諮議參軍劉

璠為中書侍郎

璠字袁翻

使者八反乃至紀令劉孝勝深布

腹心璠苦求還中記室常登私謂璠曰殿下忍而蓄憾

足下不留將致大禍孰若共構大厦使身名俱美哉

夏戶

雅翻璠正色曰卿欲緩類於我耶

緩類說也漢高帝謂酈食其曰緩類往說魏王

約

我與府侯分義已定

府侯謂宜豐侯循分扶問翻

豈以夷險易其

心乎殿下布大義於天下終不逞志於一夫紀知必

不為已用乃厚禮遣之以宜豐侯循為益州刺史封隨

郡王以璠為循府長史蜀郡太守

謝答仁討劉神茂

還至富陽聞侯景敗走帥萬人欲北出侯之

帥讀曰率趙伯

超據錢塘拒之侯景進至嘉興

沈約曰嘉興本名長水秦改曰由拳吳孫權黃

龍四年由拳縣生嘉禾改曰禾興孫皓避父名改曰嘉興今秀州是也北至吳郡一百五十五里

聞伯

超叛之乃退據吳已酉侯瑱追及景於松江

松江在今吳縣一名

笠澤在吳縣南四十里

景猶有船二百艘衆數千人

艘蘇連翻

瑱進擊

敗之

敗補邁翻

擒彭雋田遷房世貴蔡壽樂王伯醜

樂音洛

瑱

生剖雋腹抽其腸雋猶不死手自收之乃斬之景與腹

心數十人單舸走推墮二子於水

舸古我翻推吐雷翻

將入海瑱

遣副將焦僧度追之

將即亮翻

景納羊侃之女為小妻以其

兄鷗為庫直都督待之甚厚鷗隨景東走與景所親王

元禮謝歲蕤密圖之歲蕤答仁之弟也景下海欲向蒙

山

景自滄濱下海魏收志東安郡新泰縣有蒙山景欲浮海趣山東復入北也藏音威蕤如佳翻

已卯

景晝寢鵠語海師

海師習知海道者也語牛倨翻

此中何處有蒙山汝

但聽我處分

處昌呂翻分扶問翻

遂直向京口至胡豆洲景覺大

驚問岸上人云郭元建猶在廣陵景大憲

覺古孝翻憲與喜同

將

依之鵠拔刀叱海師向京口

考異曰典略云舟人李橫文給景向南徐州今從

梁書因謂景曰吾等為王効力多矣

為于偽翻

今至於此終無

所成欲就乞頭以取富貴景未及答白刃交下景欲投

水鵠以刀斫之景走入船中以佩刀挾船底

挾船底欲入水挾一

決翻 鷗以稍刺殺之

稍色角翻 刺七亦翻

尚書右僕射索超世在別

船歲蕤以景命名而執之南徐州刺史徐嗣徽斬超世

王偉索超世景之 謀主也索蘇各翻

以鹽內景腹中送其尸於建康僧辯

傳首江陵截其手使謝歲蕤送於齊暴景尸於市士民

爭取食之并骨皆盡漂陽公主亦預食焉

考異曰典略云復烹漂

陽公主今從南史

初景之五子在北齊世宗剝其長子面而烹

之幼者皆下蠶室

長知兩翻 下退嫁翻

齊顯祖即位夢獼猴坐其

御牀乃盡烹之趙伯超謝答仁皆降於侯瑱瑱并田遷

等送建康王僧辯斬房世貴於市送王偉呂季略周石

珍嚴亶趙伯超伏知命於江陵丁巳湘東王下令鮮嚴

乙丑葬簡文帝於莊陵廟號太宗 侯景之敗也以

傳國璽自隨

璽斯氏翻

使其侍中兼平原太守趙思賢掌之

曰若我死宜沈於江勿令吳兒復得之思賢自京口濟

江遇盜從者弃之草間

沈持林翻復扶又翻從才用翻

至廣陵以告郭

元建元建取之以與辛術壬申術送之至鄴 甲申齊

以吏部尚書楊愔為右僕射以太原公主妻之

愔於今翻妻七

細翻

公主即魏孝靜帝之后也

楊乾運至劔北

劔北劔閣之北

也

魏達奚武逆擊之大破乾運於白馬陳其俘馘於南

鄭城下且遣人辱宜豐侯循循怒出兵與戰都督楊紹

伏兵擊之殺傷殆盡劉璠還至白馬西

劉璠自成都還魏收志華陽郡

沔陽縣有白馬城宜豐侯循傳璠見禽于嶓冢嶓冢縣亦屬華陽郡五代志漢中郡西縣舊曰嶓冢

為武

所獲送長安太師秦素聞其名待之如舊交時南鄭久

不下武請屠之秦將許之璠請之於朝

朝謂魏朝也朝直遙翻

秦

怒不許璠泣請不已秦曰事人當如是乃從其請

五



月庚午司空南平王恪等復勸進

復扶又翻

湘東王猶不受

遣侍中豐城侯泰謁山陵

沈約志豫章豐城縣吳立曰

考異曰

梁書在四月官為司空太清紀在此月官太宰今從梁書

修復廟社戊寅侯景首至

江陵梟之於市三日

梟堅先翻

煮而漆之以付武庫庚辰以

南平王恪為揚州刺史甲申以王僧辯為司徒鎮衛將

軍封長寧公

鎮衛將軍梁定二百四十號其班字矣僧辯元功必封長寧郡公長寧郡晉安帝置

屬荆

陳霸先為征虜將軍開府儀同三司封長城縣侯

賞平侯景之功也霸先長城縣人也杜祐曰湖州長城縣吳王闔閭遺弟夫槩築城狹而長晉武帝太康三年

置乙酉誅侯景所署尚書僕射王偉左民尚書呂季略

少府周石珍舍人嚴亶於市趙伯超伏知命餓死於獄

以謝答仁不失禮於太宗特宥之王偉於獄中上五百

言詩

五百言詩今之五十韻詩也上時掌翻

湘東王愛其才欲宥之有嫉

之者言於王曰前日偉作檄文甚佳王求而視之檄云

項羽重瞳尚有烏江之敗

重直龍翻

湘東一目寧為赤縣所

歸王大怒釘其舌於柱

釘丁定翻

剜腹臠肉而殺之

剜烏丸翻王偉

侯景之所取計者也自圍臺城以至於移梁祚屠蕭氏  
以及其臣民皆偉之謀帝忘其父子兄弟之讎乃愛其

才而欲宥之發怒於檄文而後誅之失刑甚矣

丙戌齊合州刺史斛斯昭攻

厯陽拔之

丁亥下令以王偉等既死自餘衣冠舊貴

被逼偷生

被皮義翻

猛士勲豪和光苟免者皆不問

扶風

民魯悉達糾合鄉人以保新蔡

陳書魯悉達扶風人祖父至悉達皆仕於齊梁

沈約宋志江州所部有南新蔡郡不言僞置之地理但云去京都水行一千三百七十六里有餘以水程約言之

南新蔡郡當置於今蘄州界五代志蘄州黃梅縣舊曰永興隋開皇初改曰新蔡蓋因南新蔡郡以名縣也劉

昫曰黃梅縣宋分置新蔡郡

力田蓄穀時江東飢亂餓死者什八九

遺民攜老幼歸之悉達分給糧廩全濟甚衆招集晉熙

等五郡盡有其地使其弟廣達將兵從王僧辯討侯景

將即亮

景平以悉達為北江州刺史

魏收志梁武帝置北江州治鹿城關

領義陽齊昌新昌梁安齊興郡五代志黃州木蘭縣梁置北江州唐併木蘭入黃岡縣

齊主使

其散騎常侍曹文皎等來聘湘東王使散騎常侍柳暉

等報之且告平侯景亦遣舍人魏彥告於魏齊主使

潘樂郭元建將兵圍秦郡行臺尚書辛術諫曰朝廷與

湘東王信使不絕

使疏吏翻

陽平侯景之土取之可也今王

僧辯已遣嚴超達守秦郡於義何得復爭之

復扶又翻

且水

遼方降不如班師弗從陳霸先命別將徐度引兵助秦  
郡固守齊衆七萬攻之甚急王僧辯使左衛將軍杜賁  
救之霸先亦自歐陽來會與元建大戰於士林大破之

士林在六合縣界

斬首萬餘級生擒千餘人元建收餘衆北遁

猶以通好不窮追也

好呼到翻

辛術遷吏部尚書自魏遷鄴

以後大選之職知名者數人

吏部選為大送選須絹翻

互有得失齊

世宗少年高朗所弊者疎表叔惠沈密謹厚所傷者細

少詩照翻沈持林翻

楊惜風流辯給取士失於浮華唯術性尚貞

明取士必以才器循名責實新舊參舉管庫必擢門閥

不遺

閥音伐說文閥閥自序也史記明其等曰閥積其功曰閥此所謂門閥者直言世家子弟門地素高

者耳又說門在左曰閥在右曰閥

考之前後最為折衷

衷陟仲翻

魏達奚

武遣尚書左丞柳帶常入南鄭說冝豐侯循曰

說式為翻

足

下所固者險所恃者援所保者民今王旅深入所憑之

險不足固也白馬破走酋豪不進

謂楊乾運也酋慈秋翻

所望之

援不可恃也長圍四合所部之民不可保也且足下本

朝喪亂社稷無主欲誰為為忠乎

朝直遙翻喪息浪翻誰為之為于偽翻

豈若轉禍為福使慶流子孫邪循乃請降

降戶江翻

帶常慶

之子也

柳慶見一百六十一卷武帝太清二年

開府儀同三司賀蘭惠願

聞城中食盡請攻之大都督赫連達曰不戰而獲城策

之上者豈可利其子女貪其財貨而不愛民命乎且觀

其士馬猶彊城池尚固攻之縱克則彼此俱傷如困獸

猶鬪

左傳吳夫槩王之言

則成敗未可知也武曰公言是也乃受

循降獲男女二萬口而還

還從宣翻又如字

於是劔北皆入於

魏 六月丁未齊主還鄴乙卯復如晉陽

復扶又翻

庚寅

立安南侯方矩為王太子 齊遣散騎常侍謝季卿來

賀平侯景 衡州刺史王懷明作亂廣州刺史蕭勃討

平之 齊政煩賦重江北之民不樂屬齊其豪傑數請

兵於王僧辯僧辯以與齊通好皆不許

樂音洛數所角  
翻好呼到翻

秋七月廣陵僑人朱盛等

僑人本非廣陵人  
而僑居廣陵者

潛聚黨數

千人謀襲殺齊刺史溫仲邕遣使求援於陳霸先

使疏  
吏翻

下使云已克其外城霸先使告僧辯僧辯曰人之情偽

未同

未易可測

易弋  
政翻

若審克外城亟須應援如其不爾無煩



進軍使未報霸先已濟江僧辯乃命武州刺史杜顗等

助之會盛等謀泄霸先因進軍圍廣陵八月魏安康人

黃衆寶反攻魏興執太守柳檜進圍東梁州

梁置南梁州於西城

郡西魏改曰東梁州西城古魏興郡治所魏收志後魏

太延五年別置魏興郡於上洛郡界帶陽亭縣屬洛州

洛州後改

為商州

令檜誘說城中

誘音酉說式芮翻

檜不從而死檜蚪

之弟也

柳蚪柳慶之兄見一百五十一卷武帝大同三年

太師泰遣王雄與驃

騎大將軍武川宇文蚪討之

驃匹妙翻騎奇寄翻

武陵王紀舉

兵由外水東下以永豐侯撫為益州刺史守成都使其

子宜都王圓肅副之 九月甲戌司空南平王恪卒甲

申以王僧辯為揚州刺史 齊主使告王僧辯陳霸先

曰請釋廣陵之圍必歸廣陵歷陽兩城霸先引兵還京

口江北之民從霸先濟江者萬餘口湘東王以霸先為

征北大將軍開府儀同三司南徐州刺史徵霸先世子

昌霸先封長城縣侯昌為世子及兄子頊詣江陵以昌為散騎常侍

頊為領直梁宿衛之官有四廂領直蓋領直衛之士因以名官為昌頊陷魏張本宜豐

侯循之降魏也丞相泰許其南還久而未遣從容問劉

璠曰

從千容翻

我於古誰比對曰璠常以公為湯武今日所

見曾桓文之不如泰曰我安敢比湯武庶幾望伊周何

至不如桓文對曰齊桓存三亡國

左傳宋司馬子魚曰齊桓存三亡國以屬

諸侯杜預注曰三亡國魯衛邢

晉文公不失信於伐原語未竟泰撫掌

曰我解爾意

解戶買翻

欲激我耳乃謂循曰王欲之荆為之

益

武陵王紀封循為隨郡王故以王稱之

循請還江陵泰厚禮遣之

異曰考

典略云十月乙未朔太祖謂循云云按太清紀是月循至江陵今從之

循以文武千家自

隨湘東王疑之遣使覘察相望於道

使疏吏翻覘丑廉翻又丑艷翻

始

至之夕命劫竊其財及旦循啟輸馬伏王乃安之引入  
對泣以循為侍中驃騎將軍開府儀同三司 冬十月

齊主自晉陽如離石自黃櫨嶺起長城北至社平戌四

百餘里置三十六戌

此長城蓋起於唐石州北抵武州之境櫨音廬社平齊紀作社子按

斛律金傳黃櫨嶺在烏突戌東

戊申湘東王執湘州刺史王琳於殿

中殺其副將殷晏琳本會稽兵家

將即亮翻會工外翻

其姊妹皆

入王宮故琳少在王左右琳好勇王以為將帥琳傾身

下士

少詩沿翻好呼到翻帥所類翻下退嫁翻下王下同

所得賞賜不以入家麾

下萬人多江淮羣盜從王僧辯平侯景與杜龕功居第

一龕苦寒翻

在建康恃寵縱暴僧辯不能禁僧辯以宮殿之

燒

謂軍人遺火焚太極殿及東西堂也

恐得罪欲以琳塞責

塞恚則翻

乃密啟

王請誅琳王以琳為湘州琳自疑及禍使長史陸納帥

部曲赴湘州

帥讀曰率

身詣江陵陳謝謂納等曰吾若不返

子將安之

之往也

咸曰請死之相泣而別至江陵王下琳

吏辛酉以王子方略為湘州刺史又以廷尉黃羅漢為

長史使與太舟卿張載至巴陵先據琳軍

五代志太舟卿梁初為都

水臺使者天監七年改焉位視中書  
郎列卿之置末者也主舟航堤渠

載有寵於王而御

下峻刻荊州人疾之如讎羅漢等至琳軍陸納及士卒

並哭不肯受命執羅漢及載王遣宦者陳旻往諭之納

對旻剗載腹抽腸以繫馬足使繞而走腸盡氣絕又鬻

割出其心向之朴舞

朴舞拊手而舞

焚其餘骨以黃羅漢清謹

而免之納與諸將引兵襲湘州時州中無主納遂據之

公卿藩鎮數勸進於湘東王

數所角翻

十一月丙子世祖

即皇帝位於江陵改元大赦

改太清為承聖

是日帝不升正殿

公卿陪列而已

史言帝不能正其始

丁丑以宜豐侯循為湘州

刺史

己卯立王太子方矩為皇太子更名元良

更工行翻

皇子方智為晉安王方略為始安王方等之子莊為永

嘉王

方等伐湘州戰敗而死

追尊母阮修容為文宣皇后

修容魏文帝所

制自晉以來位列九嬪

侯景之亂州郡大半入魏自巴陵以下至

建康以長江為限荊州界北盡武寧西拒硤口

北盡武寧與岳

陽王誓分界西拒峽口與武陵王紀分界硤當作峽

嶺南復為蕭勃所據

復扶又翻詔

令所行千里而近民戶著籍不盈三萬而已

著直略翻史言荊州

管內  
蕭條

陸納襲擊衡州刺史丁道貴於淶口破之

衡州治衡

陽縣縣東二十里有鄣湖其水湛然綠色取以釀酒甘  
美謂之鄣淶淶口即鄣湖口也唐志潭州有淶口成丁  
度曰湘東有淶水張舜民郴行錄嘉魚縣口舟行七十  
餘里至淶溪口南北對境圖自岳州沿江東北下過侯  
敬港神林港象湖港新打口石頭口得淶溪口按郴行  
錄對境圖之淶溪口皆非丁道貴敗處唯唐志之潭州  
淶口成為道貴奔零陵其衆悉降於納

降戶江翻

上聞之遣

使徵司徒王僧辯右衛將軍杜崱平北將軍裴之橫與

宜豐侯循共討納循軍已陵以待之侯景之亂零陵人

李洪雅據其郡上即以為營州刺史

營陽郡亦漢零陵郡之地故因置營



州隋為永州

洪雅請討陸納上許之丁道貴收餘衆與之俱

納遣其將吳藏襲擊破之洪雅等退保空雲城

姚思廉梁書作

空靈灘水經注長沙建寧縣故城南有空冷峽湘水所經也驚浪奔雷迅同三峽張舜民柳行錄曰自醴陵江口南行十餘里到空靈岫考異曰典略作空藏引兵零城今從梁書余謂空雲蓋空靈之誤也

園之頃之納請降求送妻子

送妻子為質以示誠款

上遣陳旻至

納所納衆皆泣曰王郎被囚

被皮義翻

故我曹逃罪於湘州

非有他志也乃出妻子付旻旻至巴陵循曰此詐也必

將襲我乃密為之備納果夜以輕兵繼旻後約至城下

鼓譟十二月壬午晨去巴陵十里

言納兵夜行至晨衆距巴陵相去十里

謂已至即鼓譟軍中皆驚循坐胡牀於壘門望之納乘

水來攻矢下如雨循方食甘蔗略無懼色

蔗之夜翻

徐部分

將士擊之

分扶問翻

獲其一艦

艦戶點翻

納退保長沙

壬午齊

主還鄴戊午復如晉陽

復扶又翻

資治通鑑卷一百六十四